

With best compliment to:

Rev./Upa/T. Upa P/P

From:

Khuga Sadar Presbytery (MPCS)
Tuibuang Bazar, Churachandpur - 795128
Post Box - 50.

KHUGA SADAR PRESBYTERY (KSP)

SEPTEMBER BEIGUAL 2016

Thupi: THILPIAK

By:

Rev. Thanglianmang

Published by:

Khuga Sadar Presbytery (KSP)
Manipur Presbyterian Church Synod,
Tuibuang Bazar, Churachandpur - 795128
Post Box - 50.

Copies:

Price :

Setting & Printed at:

Khuga Sadar Presbytery (KSP)
Computer,
Tuibuang Bazar, Churachandpur - 795128
Post Box - 50.

Dated : Tuibuang
The 23rd August 2016

Ziktu Thumapui

Khuga Sadar Presbytery 58th Annual Session - 2015 na September 2016 Beigual tha ah Thuzil ding thupi “THILPIAK” zik dinga KSP Nu leh Pa te dawisakna ka chang ziakin ka kipak ah. Keima’n le titlona tamtak um maleh, Pathian mapuina zal ah zo thei ah ka um ziakin ei puitu Pathian chu chawihawi na ka pia ahi.

Thilpiak ti chu tulai gingtu zosia a diak ah puitu te a ding ah hinkhua ah thil pawimaw mama khat ahi. Keima’n le a hawithei pen ah zik ding ti in zia thu tawh kisai lekha ka hun hawl leh da um tak in lekha mu ding a vang mama hi. Lekhabu ka mu kham kham te tawh Bible Dictionary leh Hilchian bu te enkhawm in ka hun bawl ahia. Duthusam a titlona bangkim ah um ding ahi dan chu hetsa ahia, zia te haw ziakachun la ngai-thiam nau ka hun dawn ahi. Chuleh Beigual i ti leh kochuam te thagau ah kisukhalna ahi ti chu hetsa ahi. Ahinla, Thilpiak thu ah zia lampang ah zik ding chu ka bawl theilo lam tak ahi ziakin haksa ka mama hi. Abang hileh a thu kizik leh Bible chang kipe te hi ziltit tu te panpitu ding mai ah siam ahi ti chu hechiat hitiu.

Lalpa lopina chang henla, simtu zosia Pathian in malsawm taken.

~By Rev. Thanglianmang

Suklatna

Kum 2016 adinga Beigual thupi "THILPIAK" tithupi abuah mel muthei ding ah ei puitu Pathian chu lopina chang ta hen..!

Khristian hilim apatah gingtute'nalachiapi'u Beigual hi Khuga Sadar Presbytery huapsungah Kochu amte'nleakimangzingah Beigual thupi "THILPIAK" hi September hasungah dinga Rev. Thanglian mangingunchutak in ei hung siam piak ziakin ama kiang in le kipakthu ka gen ahi.

September thahisepleh bawlahawlhunahiziakingintumasatechun gingtutechugingtuahung hithe inadingunziasep-awlsunghichanchinphagenna'namanguhahi. Ziagualahinkochu amte'nlekhualehveng, insakin-thang, chaulehnguitakahumtephawnghaltulehkhristaadingamiginumah siamtuihithe inadinguniumnamunchiatuntheitawpapangin "THILPIAK" ti thupi hi lawkpi chiat dingin Lalpa'n ei malzawl taken.

Sd/-
REV (SIAMA PHALTUAL)
Moderator
Khuga Sadar Presbytery (KSP).

Lengpa chun suapi Gad kiti hi anei in, zia hun lai ah chun ahung thi ta'n, van angel ten vangam in a pui tau ah. Van gam a tun leh Inn thupi tak khat a mu ta, zia inn chu Angel te kiang ah chun lua dingin a dawn in ahileh Angel te chun zia in chu Thoma in la U pa Gundaphorus a ding ah asak piak ahi atiu ah. Zia phat ah chun, Gad chun lei ah hun chawmkhat chia kit phal dingin Angel te kiang in a dawn ah, Angel te chun le ahun phal un tichun hun chawmkhat sung Gad chu ahung hing kit ta. A Unaupa Gundaphorus kiang ah Van gam ah ama a ding ah Inn thupi tak Thoma in asak piak ava mu thu chu agen leh a Unaupa chun mak asa mama hi. Thoma thugen- "Van ah la inn ding ka sak piak hi" ti thu a gen kha a dikna ahun hedaw in tichun Thoma leh Abbanes kha suangkul apat a thadaw in, a gam ah Pathian thu a gen ding a phal piak in tichun, amale khristian a suak tai ti ah chanchin gen in a um hi. Zia a chung ah Gundaphorus chanchin apat chun le Pathian mite panpi leh genhei te panpina nasep chu Pathian ang ah Go khawl na leh vangam ah thinung leh i lua ding inn sakna a hidan ei kawkm u ahi. Ziakiak chun, van ah Go khawl khawm na di'n thil piak in pan nasatak in la zel hitiu.

GENKHAWM DI :-

Van ah Go khawl a pawimaw dan..

.....xXx.....

ah thi thei i hi dan ei zilttil ahi.

3. THINUNG AH I NASEP TEN EI ZUI ZEL AHI (THUP. 14:13)

I Bible chang taklatnau chu i thinung phat leh khawvel gam ah i nasep ten ei zui zel ding ahi dan a genna ahi. Zia gual hin a gen ah “Lalpa ah thi ta te chu a vang uh a pha’i, a sepgim nau apat chawldam ta ding ahiu. Chuleh a nasep teu chun zui pek in ah..” ti in a gen hi.

Zia Bible chang apat chun chian takin thawkitni leh khawvel gam ah i nasep zosia chun ei zui pek ding ahidan ei kawkmua ahi. Sawlchak Paul inle Korinth kochuam te kiangin - Lalpa nasep na chun theitawp sua zing un, la sepgimnau chu Lalpa ah chun a thawn puai ti in agen hi (1Kor. 15:58).

Jesu nungzui te lak ah pakhat Thoma kha India gam ah chanchinpha ahun gendan chanchin kizikna vak enkhawm hitiu. India gam ah Leng Gundaphorus kiti khat hi a um in, zia pa chun in thupitak sak a guat ziakin Inn sa ding Mistry thiam gawi di’n a hawl ta. Zia mistry hawl ding ah chun sumkawvei mi Abbanes chu Jerusalem lam ah hawl din ahun sawl ta. Tichun Abbanes chun Jesu nungzui Mistry thiam Thoma chu inn sa din ahun pui in India gam chu ahung tung tau ahi. Lengpa chu tawh a inn sak na ding mun leh a sak ding dan te chu hawitak in a envel un, Lengpa chun kintak ah sakzaw ding a nawp ziakin Paisa tamtak le Thoma chu ape ngal ahi. Lengpa chun tha bang zat zaw ahem leh a Inn sak chu mu kit ding ahidan gen in a kikhen tau ahi.

Thoma chun Lengpa Paisa piak te chu Inn sakna mang talo in chanchinpha genna’n leh migenthei te panpina in a mang zo vek ta ahi. Tichun, lengpa chu Thoma inn sak en ding in ahung in a kiang in ka inn ding la sak chu mu ding ah hung ka hi tai ati ta. Thoma chun a kiang in - “Tuhun ahin la inn ding chu muthei puan la, la thi nung leh la mu di bep ahi ati leh Lengpa chu alung ana mama ta ahi. Thoma chu a sepai te amat sak in Suangkul in a khum in, ama bep hilo ama hun puipa Abbanes chule suangkul in a khum in a pani’u ah thalup dingin thu a pia’n, a thini ding a ngak tau ahi.

HAWL BAILAMNA (INDEX):

<i>A Ni leh Tha:</i>	<i>Thupi:</i>	<i>Pek No.</i>
September 1	Thilpiak umzia genchianna	2-3
September 2	Thilpiak Pathian kiang ah i piak ding teu	4-5
September 3	Thilpiak piak ding dan	6-7
September 4	Thilpiak Pathian i piakna ding ziaak teu	8-9
September 5	Thilpiak leh Thagau nasep a kitawn ding ahi	10-11
September 6	Thilpiak apat taksa leh thagau lam malsawmna	12-13
September 7	Thilpiak hi gingtu hinkhua leh Kochuam te gasua suklatna ahi	14-15
September 8	Sawm ah khat hi Pathian in mihing te kiang ah a phut ahi	16-18
September 9	Kaina leh Abel thilpiak apat zilding	18-19
September 10	Missionary nasepna lam ah thilpiak habawl ding	20-21
September 11	Kornelia te inkuan chu thilpiak ah ettawn ding	22-23
September 12	Jesu leh gingtu masate leh sawlchak Paul ten le thilpiak a ngaisang ui	24-26
September 13	Abraham leh Jephtha in a cha neisun na tiang uh Pathian a pe ngam ui	26-27
September 14	Inkuan mimal kim ah Pathian thilpiak bawl ding ahi	28-29
September 15	Leng David in ama kisenna panglo in Maicham a siam nuam puai	30-32

September 16	Leng Saul leh Anania te nupan thilpiak	33-34
September 17	Presbyterian Dan bu ah thilpiak chungchang kigen dan	35-36
September 18	Thilpiak netu Thiampu te chungchang	37-38
September 19	Tulai tak ah KSP sung leh Synod lam ah Thawlawm piak te	39-41
September 20	Thuthunglui hun ah Judate thilpiak chungchang	42-43
September 21	Ginna chu nasep panglo in a thi ahi	44-45
September 22	Thilpiak leh Kochuam te	46-48
September 23	Jesu pian ah saklam miching te thilpiak	48-51
September 24	Lalpa Jesu Mari'n sathau mantam tak anu hi	51-53
September 25	Kochuam kilawikhawm na sum leh pai ah thilpiak pawimawna	54-56
September 26	Migenthei, Meithai leh Nauchaga te panpi chu gingu te hi ding him ahi	56-58
September 27	Thilpiak i piak dungzui in i thagau hinkhua a pawimaw hi	59-60
September 28	Thilpiak pethei dinga malsawmna la dawn ziakin kipak in	61-63
September 29	Zarapheth Meithai nu'n a sunsun Pathian mi Elijah a pia ahi	63-65
September 30	Pathian thilpiak hi van ah Go khawlkhawmna ahi	66-68

DATE 30/SEPTEMBER/2016 (ZILTAWPNI)

**Thupi :- PATHIAN THILPIAK HI VAN AH GO
KHAWLKHAWMNA AHI.**

Bible : Mt. 6:19-20; Luka 12:16-21; Thup. 14:13.

1. LEIKHA NEKSIAT THEI LONA MUN VAN AH GO KHAWLKHAWM DING AHI (MT. 6:19-21).

Jesu'n khawvel ah a lenlai ah a nungzui te leh a thu ngaitha te kiang in - "Nget leh Tui Ek in a neksiat theina leh gucha ten a guk thei nau ah Go khawl lo in, bang ma'n a suksiat thei lona gam van lam in la Go uh khawl zaw ta un.." ati ahi. Juda ten a Go nei teu chu Lei nuai ah a phum sek un, zia chu achang leh Tui Ek in a ne'n a sezo sek hi. Zia te haw Go khawl dan chu Jesu'n pha asak lo ziak ah agen ahi. Jesu chun la Go teu van ah Pathian kaw sak le chin uh bangma chan suse pha talo ding ahin, chuleh la lungthim uh le van lam bep ah um ding ahi. Lei ah la Go teu la kawi ziak un la lungthim uh le lei lam bep in a um hi ati ahi. Zia ziak chun, Kochuam te le Jesu gen gual ahin van ah Go khawl na ding thilpiak lam in ha pan chiat hitiu.

2. EIMA A DING BEP AH GO KHAWL LO DING AHI (LK. 12:16-21).

I Bible chang taklatnau hi Jesu khawvel ah a lenlai ah mi hausa mingawl tekhnin thu a genna chanchin ahi. Mi hausa mama mi pakhat a um in, a lungthim in a kingaitua ta. Ka Bu Inn te phel thang ka tin, a lianzaw sa'ng ka tin ka thagau kiang in, kum tamtak a din la khawl dawk tai, tuhin chawldam inla, ne'n la, dawn inla, nuam tak in um tan ti ding ka hi a ti ta. Ahinla, zia zan ah chun Pathian in a kiang in, tuzan hin thi ding la hi tai, la thil guanggal chu kua a ding ahi ta diam..? ti'n a gen hi. Zia tak ah tekhnin thu Jesu'n a gennawp pen chu Pathian a ding ah Go khawl masa lo ah ama a ding ah Go kikhawl masak a phatlo dan a gen ahi. Ziakiachun, ei uh tulai kochuam tele eima a ding ah go nasatak i khawl masak lai ah Pathian a ding ah Go khawl manlo

3. MEITHAINU APAT KOCHUAM TE ZIL DING.

(i) **I nei sunsun Pathian piak ngam di ahi** : Meithai nu gual ahin eimau inle i nei sunsun Pathian i piak ngam chun Pathian malsawm na taksa inle dawng ding hi dan uh ei kawkm u ahi. Chuleh, sum matna ding i guanggal lai hin le Pathian thawlawm ding amsapen in poimaw sak ding dan ei kawkm u ahi. Khenkhat in ei a ding masat ah zaw leh Pathian a ding ti hi a um sek ah, zia chu thil diklo tak ahin, a chang leh ei malsawm tu a ding a kidai lo chang le aum ziang sek hi. Abang hileh i nei sunsun piak ngam na chu Pathian malsawmna dawnna ahi dan hemil puai tiu.

(ii) **Pathian mite zintun thei ding ah um ding** : Zarephath khua ah chun mi hausaleh in hawi tam pi um in ah ti chu hetsa ahia. Himaleh, Elijah tun na ding a Pathian in ala lemkuat chu Meithainu Inn ahi ziang hi thil lamdang tak ahi. Bible in chiantak in genlo maleh Pathian lau insung leh kitup ahi zia kua in dang sang ah Pathian in a telzaw k hi din ginchat ahi. Ziakiakchun, ei haw le Pathian mite zintun thei ding a insung kitup leh pha a pawimaw hi. Pathian dawidan chu hau leh zawng thu lam ahi puan, Jesu Lalna insung chu a daw i ahi. Chuleh, Pathian thagau chenna chu Inn hawi leh hawilo lam ahi diak puai. Ama daw i gual ah insung ki enkawl ah kihothei tak ah khawsa te ah chun Pathian a cheng nuam hi. Ziakiakchun, Pathian mite zintun thei na insung hi gaw chiat hitiu, zia chu taksa leh thagau malsawmna dawnna ahi.

GENKHAWM DI :-

Pathian suklung awina chun a malsawmna hung pawt sek ahi dan.

.....XXx.....

DATE. 1/SEPTEMBER/2016 (NINGANI)

Thupi : THILPIAK UMZIA GENCHIANNA

Bible : Luka 17:11-19; 1Chro. 29:10-14.

1. THILPIAK UMZIA CHU BANG AHAM?

Thilpiak umzia chu min Pathian chu taksa leh thagau ah malsawmna bul ahi dan a hiat ah, a nei alam te itcha lo ah a petu Pahian a piak kit hi ahi. Pathian in malsawmna simsenlo ah a zangvuk a chaten ama pethuk kit thei leu ti chu a daw i ahi. Hiziang maleh tuni tianga khawvel ah mi tamtak ten malsawmna zosia chu Pathian apat pawt ahi lam helo in Pathian chu thilpiak ah chawihawi ding pawimaw asa thei nailo uh ahi.

2. THILPIAK HI PATHIAN CHIBAI BUKNA PAWIMAW TAK LE AHI.

Thagau hinkhua leh Pathian thilpiak hi khen theilo gingtute hinkhua ah chiakhawm zing thil ahi. Gingtu hinkhua diktak neite chun thilpiak hi a ngaisang tei sek uh ahi. Pathian chu taksa leh thagau ah chawihawina i piak tawh kigual in i nei ilam zosia tawh ama chawihawina i pe ding uh ahi. Zia chu ei malsawmtu Pathian zana leh taksa leh thagau zosia ama chibai i bukna ahi.

3. PATHIAN CHU A MALSAWMNA PETHUK KITTE CHUNGIN A KIPAK HI.

Pathian chu khawvel ah mihing te tawh i hindan uh tamzaw in kibatna a nei hi ti thei ahi. Etsakna'n - mi pakhat kianga thilpiak i pia, i piak dawngpa/dawngnu chun i kiang ah "ka kipak hi" a vak ti mai leh le eima a petu lungthim kha a nawp mama in, maban ah le i pe thanuam zel sek hi. Zia gual ah chun i Pathian uh bangkim ah ei malsawmtu chu le ama kianga kipakthu gen thei leh thilpiak pethuk kit te chungin a kipakna a lian diak hi.

I Bible chang taklat nau Luka 17:11-19 na kha Jesu khawvel ah a lenlai ah phak 10 a sukdamna chanchin ahia. Phak 10 a sukdam lak ah mi khat bep in a kianga kipakthu a gen thei ah. Jesu'n a kiang in- mi 10 hilo maw ka sukdam kha..!! mi 9 te kha khawi ah um ahi tau em? ati ahi.

Zia tak ah a gen nawp chu mi 9 te khan a sudamtu kiang ah kipakthu genna chang helo ahiu maw..! atina ahi. I Bible chang taklat na'u panina 1Chronicle 29:10-14 na chun Leng David in Temple sakna ding mipi ten Thawlawm ahun tuakkhawm ni'u ah Pathian a chawihawi na leh a pauchapna chanchin mu ahia. Pathian kiang in - Bangkim hi nangma ah kipat hung pawt ngen ahin, nang a mama chu ka hun piak kit uh ahi zawi (1Chro. 10:14) ati ahi. Zia hin Leng David in Pathian chu thil bangkim ah mihing te malsawmtu ahi dan a mu chian mama hi.

Ziaziakchun, bangkim ah ei malsawmtu Pathian chu a malsawmna i dawnteu apat pethuk kit chiat di'n kisingsa'i ti'u. Pathian chu malsawmna simsenlo ei zangvuk thei tu leh i nei ilam zosia su gam thei tu le ahi dan hemil puai tiu.

GENKHAWM DI :-

Thilpiak ngaisang lo te ngaisan sak ding dan..

.....xXx.....

Elijah chun a bang hileh kei a ding chu hun chawi masa phawt in ti'n a dawn ah. A dawt gual in Meithainu chun le ama nek ding sik chu Elijah ahun chawi piak in tichun, Elijah chun va takin ane ta ahi. Meithainu'n amau nek ding sik Pathian mi Elijah ahun piak ziak ah chun Pathian in Meithainu chu ahun malsawm ta ahi.

2. MEITHAINU PATHIAN IN A MALSAWM DAN.

(i) **Bel ah an nek zawlo leh sathau Um kanglo :** Meithai nu'n Elijah chu amau nek sik ding Vaithum ahun chawi ban ah a dawn ding Tui ahun chawipiak ziak a chun Pathian chu Meithainu chung in a kipak mama hi. Tichun Pathian in Meithainu chu ahun malsawm in, a nek ding a Ann bel uh sukpun piak in, a ann bel ua an chu nisin leh abei ta puan, chuleh a vaithum kan nau Bel ah sathau chu le a kang thei puai. Leng Ahab sukkhial ziak ah lei chung ah gua a zuk lo sung ah chun Meithainu leh a insung mite chu nek ding a tasam puau in phatak chan Elijah chu a zintun thei tau ahi.

(ii) **A chapa thisa hing kit thu :** Meithai nu in ah Elijah a khawsak zing lai chun Meithainu chapa chu damlo in ahung thi thut ziang ta ahi. Meithainu chun Elijah kiang in “Bang ka sukkhial na a um ah ka chapa ngaitak hi thi ziang ahem”..? ti'n Elijah chung in a thase ziang ta. Zia phat chun, Elijah chun Naupang thisa chu pindan chung lam ah a giakna a pawto in a pauchap ta. Pathian in a pauchap na chu a dawnhu in naupang thisa chu ahing kit in, a nu kiangin ahun pui kit ta ahi. Tichun, meithainu chu Elijah chung in a kipak ta mama hi.

Ziaziakchun, i kibil patna teu hi thupi lo tak ngen i hui ah, himaleh Lalpa'n malsawmna simsenlo ah ei zangvuk hi a lopi ahi. Nisin ka nekkhawp an ei pia'n ti ah Lalpa Pauchapna i gen khel ahin aman ei malsawm chiat ahi. Ziaziakchun ei petu pathian chung ah kipakna chang hechiat in taksa thagau ah ama i chawihawi khel ah thilpiak ah ama chibai buk chiat hitiu.

GENKHAWM DI :-

Lak sang ah piak in lukhawng a nei zawk dan..

.....xXx.....

DATE 29/SEPTEMBER/2016 (NINGANI)

**Thupi: ZARAPHETH MEITHAI NU'N A NEI SUNSUN
PATHIAN MI ELIJAH A PIA AHI.**

Bible : 1Lengte 17:8-24.

1. ELIJAH LEH ZAREPHATH MEITHAI NU CHANCHIN.

Zawlnei Elijah hun chu Israel Leng Ahab in Israel te chung ah vai ahawm hunlai ahi. Leng Ahab chun Pathian mitmu ah thil phalo a bawl ziak ah Pathian in Lengpa gawtna chun Israel gam ah chun ni tamtak chu gual a zuksak talo ahi. Zawlnei Elijah chun Ahab phatlona te chu a gensek ziak in Ahab chun Elijah chu a mu nuam paw mama in, tha dingin a hawl sek ahi. Elijah kiangin Lalpa thu ahungtung ah, a kiang in - "Kipan inla, Sidon gam ah Zarephath khua va chia in, zia tak ah chun meithai khat nang hun vak din thu ka pe tai.." ati ahi. Pathian gen gual in ava chia leh Meithainu chu khawpi kawtpi ah chun thingkang chawm in ala um ah. Elijah chu a gil kial bekset zia kin a kiang in - Ka dawn ding tui neukhat leh vaithum neu khat ka nek ding ei va lak piak in atia. Meithai nu chun Elijah kiang in "Vaithum vang ka nei tam pua'n, ka chapa leh keiman khatvei ka nekkhawp di bep ka nei ui, zia chu ka nekwaw phat uh leh thi mai 'ing kau" ati ahi.

DATE 2/SEPTEMBER/2016 (ZILTAWPNI)

**Thupi : THILPIAK PATHIAN KIANG AH I PIAK
DING TEU**

Bible : Thupil te 3:9-10.

1. SUM LEH PAI PATHIAN I PE DING AHI.

Thalaw nei hin neilo hi ziang lehinle gingu khat i hi chun i sum muna apat in Pathian a ding ah thawlawm chu i pe ngei ngei ding ahi. I piak ding chu sawm ah khat leh thawlawm chuam chuam local a leh bullam ah thawlawm lakkhawm te zosia a huap hi. I thawlawm piak chu a tam a tawm thu hilo in Pathian chu malsawmtu ahi zia kin i sum leh pai mu ten ama chu chawihawina i piak di'u ahi.

2. GANCHA LEH HUAN THAI TE PATHIAN I PE DING AHI.

Pathian in mikhat a malsawm leh ama hinkhua bep hilo in a sungkuan te, a suak te a gancha te leh a khut nasep huan thai te zosia le a malsawm zui zel sek hi. Chutichu ahi zia kin, gingu ten Pathian apat malsawmna i dawn leh ei venbit piak leh ei etkawl piak i gancha te chu i Pathian i pe ding ahi. Chuleh, i khut nasep na apat Thai i mu teu zosia apat in ei malsawmtu Pathian chu a ga masapen leh ei malsawm dungzui in i pethuk kit ngei ngei ding ahi. Eima etkawl khel ah Pathian in ei etkawlpi in, Thai mamaw-Nisa leh gawtui te a piak ziak ah hung piting ah hung ga thei ahi ngal in. Sam 65:9-10 na'n le David in Pathian chu Lou kikaina mun ah Thai te kedaw theina ding ah a mamaw gawtui petu ahi dan ala gen hi. Ziaziakchun, ama apat malsawmna i dawn i gancha te leh i huan thai te apat in malsawmtu i Pathian chu i pekit ding ahi.

3. NIK LEH PUAN, VAN MATCHAK LEH THIL DANGDANG PATHIAN I PE DING AHI.

Min bangkim hi Pathian apat malsawmna dawng leh chang ahi zia a hiat chun a nei alam zosia chu Pathian a din a pe phal sek ahi. Kochuam te matchak ding ah thil pawimaw chuamchuam a piak chu mutheilo Pathian chung ah thil hi in a kingai un, a thagau hinkhua chu alim mama'u hi. Jesu'n khawvel tawp ah vaihawmna ni a genna chun - zia khawvel ah i mihing chanpi te'u chung ah thilpha i bawl chu ama chung ah bawl ahi dan a gen hi (Mt. 25:40). Chutichu ahiziakin, i mihing chanpi genthei leh panpi ngai te panpi ding i hi ban ua kochuam te thilpiak ah i panpi thei dan dan ah panpi ding in kisinga chiat hitiu. Muthei kochuam i panpi chun mutheilo kochuam ah khawsa Lalpa Jesu khrista chu i panpi hi tih hiatmil lo ding ahi.

4. BIBLE CHANG TAKLATNA.

I Bible chang taklatnau Thupilte 3:9-10 na chun Pathian in a chate kianga a go thil nei zosia'u leh aga masapen ua ama chawihawina piak ding ahi dan a genna mu ahi. Ziaziakchun, ei malsawmtu i Pathian chu i go thilnei i sum leh pai leh thil dang zosia tawh chawihawina pe ding in kochuam te kisinga'i ti'u.

GENKHAWM DI :

- 1. Thilpiak chuam chuam lak hin a lopi diak a um diam?..

.....xXx.....

sim tan'au.. ti'n a gitlona'u a sim lo ziak un a vau ahi. Zia tak ah Tura leh Sidon a ti hi Israel gamsung hitalo gamdang ahi ta. Jesu'n ka thilbawl zosia te hi ginglo khawpi Tura leh Sidon khua ah bawl hileng vang Pathian lopidan amu ziak ua gitlona bawl talo ding ahiau, atina ahi. A chanchin kigen zel dan in Korazin leh Bethsaida khaw te Jesu'n a vau ziak ahin a khua hile ding khawsuak talo in a mangthai tai a kiti ahi.

Tuni hun ah kochuam ten zia a chung ah kigen chanchin apat ah chun ei unle Pathian malsawmna matkhial lo ding ahidan hechiat hitiu. Pathian in sepna hawitak, nek leh chak hawl theina chuamchuam in ei malsawm ah, mi vangpha i hiu. Ahinla a malsawmna ei piak te i mat thiamlo ahi chun, Pathian lungnatna tuak hitin, taksa leh thagau ah Korazin leh Bethsaida khua te gual ahin mangthai ding ihu.

3. PATHIAN MALSAWMNA ZIAK AH KIPAKNA DING TE.

(i) **Taksa dam ah hawl thei ah um ziak ah :** Taksa dam tak ah sum leh pai hawl thei ah la insung chawm thei ah la um ziaakin Pathian kiang ah kipakthu gen zingin. Khawvel ah mi tamtak nek ding neilo nauchaga leh khut-daw ah aum lai ah nang la khut leh la lungthim ah nek hawl thei ah Pathian in ahun kawi hi la vangpha mama hi. Ahun malsawmtu Pathian kiangin kipakthu gen ding he mil ki'n.

(ii) **In leh Lou, Bu leh Bal leh Malsawmna dangdang dawn ziak ah..:** Pathian in nangma ngei Inn ah cheng thei di'n ahun siam ah, chuleh Bu leh Bal, Huan thai, Gancho leh thildang dang in ahun malsawm na ziaakin Pathian chawihawi zing in. Ei kochuam lak ah khenkhat te chu a Nu leh Pa khang apat malsawmna dawng ah hinkhaw mang le chu i um thou ah. Ahinla, mi tamzaw te hi Jakob hinkhaw gual ngen i hiu ahi. Jakob chu a pu Laban kiang a chia lai ah khan bangma a nei pua, ahinla ahung kilekit lam ah chun Pathian malsawmna tamtak tawh ahung kit ta, zia gual hin a gen hi. "Zia Jordan lui hi ka tiangkhat bep hitawh ka la kan in, tuhin chu hawnni hial ka hi tak uhi.." ati ahi (Gen. 32:10).

DATE. 28/SEPTEMBER/2016 (NILAINI)

**Thupi : THILPIAK PETHEI DING AH MALSAWMNA LA
DAWN ZIAKIN KIPAK IN.**

Bible : Deut. 28:47-48; Mt. 11:20-24.

**1. KINING TING TAK AH PATHIAN IN EI KAWI MALEH HETTHIAM LO THEI AHI
(DEUT. 28:47-48).**

Bible chang i taklatnau hi Pathian in Israel te chu kiningting takin a malsawm na a zangvuk na thu ahia. Ahinla, amau haw chun kipak tak ah a malsawmtu Pathian na chu a sem nuam puau in, ziakziakchun Pathian in a melma teu khut ah a pia'n, ana'u chu a sem tau ahi. Israel te gual ah chun ei hawle Pathian apat malsawmna tamtak i dawn lai ah ei malsawmtu na i sep nawplo chun Pathian in ei gawt thei tho ahi. Ei gawt ding dan chu Israel te gual ah melma ten suak leh sal ah ei puimang ding vang hi khel puan ah. Pathian in ei gawt na ding tangpi te chu a nuai ah te hile ahi thei hi.

(i) Pathian i chung ah alungdam lo chun, i nei leh igo nei te chungin buaina chuam chuam i tuak thei hi.

(ii) I cha leh nau ahiloleh insung mite zu leh sa leh khamthei thil ah a tumrang thei hi.

(iii) Eima hinkhua ah damtheina lam le Pathian in ei suksiat piak thei hi. Chutichu ahi ziaakin Pathian in kiningting tak ah ei malsawmna te hi hethiam ah ama na sep na'n i mang ding ahi.

2. PATHIAN MALSAWMNA I DAWN TE MATKHIAL LO DING AHI (MT. 11:20-24).

I Bible chang taklatnau mathai 11:20-24 na chu jesu'n khawvel ah a lenlai ah a thilmak bawl tam na Korazin leh Bethsaida khaw te a vau na thu ahi. Jesu'n - Korazin la chung a gik hi, Bethsaida la chung a gik hi, nangma'u mitmu ah thilmak kibawl te hi Tura leh Sidon khua kibawl hitaleh a gitlonau

DATE 3/SEPTEMBER/2016 (KIGINNI)

Thupi: THILPIAK PIAK DING DAN

Bible : Luka 21:1-4; 2Kor. 8:12; 2Kor. 9:7-10; Deut. 15:14.

1. PHAL TAK AH PIAK DING AHI.

Pathian kianga i thilpiak zosia chu itchakna lungthim nei pum ah piak-lo ding ahi. Itchakna leh pamai sakna nei pum ah la piak chun nang dinga la thilpiak chu sualna ahi mai hi. Itcha sasa tamdeu la piak sang in la phal hun tiang tawmcha la piak kha nang di'n a phatzawk ban ah Lalpa kipakna le ahi. Thawlawm chuam chuam i tuak na teu in i ginnau tawh kiphutawk in phal tak ah i piak chu thawlawm tuak ding dan him ahi.

2. KIPAK TAK AH PIAK DING AHI.

Pathian nasepna thilpiak chuam chuam i piak nau ahin taksa leh thagau ah Pathian chung ah kipak pum ah i piak ding uh ahi. Lungawilo leh Phunnawi kawm ah thilpiak vang Pathian a di'n le gimtui di'n ginchat a um puai. A diak ah khristmas thawlawm tuakna vang chu kipaklo tak ah thawlawm i tuak chun i sung ah Jesu khrista piang dingin ginchat a um puai. A ziak chu Jesu pian nikhua chu kipakna ahin, kochuam ten i tuakzaw ding ngaitua ah ahun bituk uh chu kipak tak ah i tuak thei chun i thagau hinkhua le a lim mama sek hi. Bible inle ei zilttil dan chu gingtute chu lim leh kipak tak pum ah ama na sem ding i hui ahi.

3. MALSAWMNA DAWN DUNGZUI AH PIAK DING AHI.

Malsawmna dawn dungzui ah piak ding ti umzia chu malsawmna dawng tam ten tam pia'n tin, a dawngtawm ten tawm piak ding ahi tina ahi. Pathian in a dawm pen chu a tawm leh a tam lam ahi zaw puau'n, diktak ah malsawmna la dawn dungzui ah la piak kha ama kipakna ahi. Tulai khawvel ahin diktak ah piak ding chu mihaute sanga migenthei ten sudik zaw ahi diam ti thei ahi. A ziak chu mi genthei nekkawm hawl ten amu dungzui un a pia'u in, amu nau le a tamlo ziaakin piak di le a tam puau.

Mihaute ahiu leh chu amu nau le a tam tak ziakin diktak ah piak ding le Pathian nei taktak lo ding a chun pamai sakna (*etsakna'n - sawm ah khat ziangle*) a um thei sek hi. Pathian in vang diktak ah i piak chiat di'u chu ei phut ahi.

4. PATHIAN PIA KINGAI DING AHI.

La thawlawm thilpiak zosia a chun mihing te pia kingai lo in Pathian pia la kingai zing ding ahi. A netu leh a mangtute chu kochuam nasem te ahi ngei nau. Ahinla, amau haw chu Pathian nasem ding ah guat bik ahi tak ziaak ua a ne ding him ahiu. A netu ten amat khial ua leh amau in a maw kipuak in tin uh, Pathian tawh akal uh chu eima buaipei phak ei ta puai. Eimau kochuam te mawpuakna chu i thilpiak teu diktak ah pia in, mihing te pe mai ah kingailo in Pathian pia kingai in Pathian tawh i kal chiat uh i su dik ding ahi. Mihing pia kingai zosia'n alung awilona di'u a mu tam un, Pathian pia kingai ta phawt vang a thagau hinkhua le a lim uh ahi.

5. BIBLE CHANG TAKLATNA.

- (i) **Luka 21:1-4** :- Jesu'n thawlawm mi tamtak in a piak lak ua meithai nu'n a neisun sum a piak chu a pe tam pen ahi tin in a kipakpi ahi. Zia gual a chun malsawmna dawn dungzui ah piak ding ahi dan ei zilti ahi.
- (ii) **2Kor. 8:12 leh 2Kor. 9:7-10** :- Sawlchak Paul in le malsawmna dawn dungzui pete a kipakpina thu, kipak tak leh phaltak ah pete pathian kipakna ahi dan leh apetu te Pathian in malsawm ahidan agen ahi. Ei unle phal tak leh kipak tak ah piak ding ahi dan ei zilti ahi.
- (iii) **Deut. 15:14** :- Mosia lekha bu'n huang phal ah Pathian piak chu malsawmna bul ahidan ala gen ahi. Zia gual ah chun enle phal tak ah thilpiak i pe ding uh ahidan ei zilti ahi.

GENKHAWM DI :

1. I thilpiak dan teu hi Bible gen dan tawh a kituakna em..?

.....xXx.....

khale mihing in Pathian tawh akal sukdik ding a um in, chuleh mihing leh mihing kikal ah sukdik ding a um kit ah. Zia gual ah chun tulai gingtu ten le Pathian leh mihing kikal ah sukdik ding te sukdik i gaw chiat ding uh ahi.

3. KITHAWINA HING LAN DINGIN PATHIAN IN EI DAWI HI (Rom 12:1-2)

I Bible chang taklatna hin sawlchak Paul in Rome kochuam te chu Pathian pawm tak ah kithawina lan ding ah a chialna thu mu ahi. Rom kochuam te bep hilo in Pathian in a chate zosia chu ama dawigual ah kithawina bawl dingin ei dawi ahi. Zia na ding ah chun i taksa leh thagau kilat khawmna a pawimaw ahi. Thuthunglui hun ah Israel te kithawi dan leh kithawina ziaak tangpi te vak en hitiu.

- (i) Kithawina chun gancha demna nei amat sek uh ahi.
- (ii) Pathian malsawmna a dawn ziaak uh leh a dawn zel na ding ua kithawina a bawl sek uh ahi.
- (iii) A hinkhua'u ah a gitlona teu ngaidamna ding ah a kithawi sek uh ahi. Thuthunglui hun hin chu gancha chu demna bei ahi a, phatak ah alat uh chun Pathian in a pawm ziang sek ahi. thuthungthak hun hin vang muthei lam bep hitalo in mutheilo lam tiang ahuap pha ta ahi. I thagau hinkhua tawh kipiak khawmna lo chun kithawina hing chu ahi theilo ahi. Israel ten Maicham chung ah gancha a kawi ua, zia chu a thi phat leh Pathian in a pawm gual hin ei hawle Maicham chung a i taksa hinkhua phalo te hi laan ah athi zet phat leh Pathian in ei pawm bep ding ahi. Ziakiakchun, i thilpiak tawh, i taksa leh thagau hinkhua chu a kitawn zing ding ahi.

GENKHAWM DI :-

Gingtute taksa leh thagau ah thiangtho ding ah ko i hi dan uh..

.....xXx.....

DATE 27/SEPTEMBER/2016 (SEPKITNI)

**Thupi :- THILPIAK I PIAK DUNGZUI IN I THAGAU
HINKHUA A PAWIMAW HI.**

Bible : Mathai 5:23-24; Mathai 23:23; Rom 12:1-2.

1. THILPIAK PUM AH MITAWH KICHAM DI AHI (Mt. 5:23-24).

I Bible chang taklatnau hi Jesu khawvel ah a lenlai ah thilpiak chungchang a genna ahia. Jesu'n a genna chun - Thilpiak Maicham ah la lat ma in la Unau te la chung ah lungawilo a um chun chia kit inla, va kichampi phawt in, a zaw leh hung inla la thilpiak chu hung lan le chin Pathian in pawm ding ahi ati ahi. Zia gual ah chun ei uh tulai kochuam te le Pathian ma ang ah thilpiak chuam chuam i piak masang in i insung mi leh midang i chung ah lungawilo te haw kichampi phawt ah a zaw leh thilpiak piak ding ahi dan ei zilti ahi. Hebrai te 12:14 na'n le - Mi zosia tawh kichamna leh thiangthona chu del un, ti ah zik ahi ziakin, midang tawh kichamna del dinga Lalpan ei dawi ahi.

2. THILPIAK TAWH KITAWN AH DAN DANGTE ZUI A PAWIMAW HI (Mt. 23:23).

I Bible chang taklatna'u hi Jesu'n lekha zikte leh Pharisaite a awimawna thu ahi. A awimawna zik ahileh a thaichi teu lak ah a neupen Pudina te, Masala te, leh Pathikhawm tiang sawm ah khat in a piau in, ahinla Dan thupiak pawimaw taktak vaihawmna Dan, Zangaina Dan leh Ginna Dan te haw a zuilo zik uh ahi. Jesu'n amau haw chu mipha lem mai la hui in, Pathian thu la zui buting nai puau ati ahi. Ziaziakchun, ei haw le lekha zik te leh Pharisaite gual ahin thilpiak hawitak ah i piak lai ah thildang pawimaw i zuilo zik ah Jesu lungawilona chan thei ahidan ei zilti ahi. I thilpiak tawh i thagau hinkhua kha a kitawn zing ding ahi. Hawitak leh diktak ah muthei lam ah thilpiak i bawl tawh kitawn in mutheilo lam ah Pathian Dan zui dik chu ama kipakna ahidan hiat ding ahi. Thuthunglui hun ah Thusawmpiak

DATE 4/SEPTEMBER/2016 (PATHIANNI)

**Thupi : THILPIAK PATHIAN I PIAKNA DING
ZIAK TEU**

Bible : Sam 116:12; Danial 4:17; Sam 24:1.

1. AMA APAT MALSAWMNA KIDAWNG AHI ZIAK.

Pathian in damna ahun piak ziakin sum leh pai hawl thei in la um ah, chuleh Pathian in sepna ding service ahun piak ziakin thasin in Law la sang thei kit hi. Zia ban chun la khut nasep te Pathian in a malsawm ziakin Bu leh Thai te la thodawk thei kit ah, la gancha vak te ama etkawlpina zal leh veng bitna zal in a pung thei ah, la vangpha mama hi. Zia haw zosia hung kipatna chu Pathian apat bep ahi ziakin ama i piakthuk kit chu i hi ding him ahi.

2. PATHIAN IN EI PHUT ZIAK.

Pathian kianga thilpiak ding khenkhat chu eima kiphah dandan ah i piak deu le a um tho ah. Ahinla, thilpiak ding khenkhat sawm ah khat, gancha piang masapen leh thai ga masapen te chu vang Pathian in Israel te kianga piak ngeingei ding ua a phut ahi. Pathian in a thilphut te chu a chaten a suk-dik ua chun ale sawm ale za te in a malsawm sek hi. Ziaziakchun, Pathian ei malsawm tun ei phut thil te hi ama i piak mai diu chu a chaten i mawpuakna'u ahi.

3. CHANCHINPHA PUANGZAK NA PANG.

Khrista chanchinpha puangzakna hin panthei dan lampi chuamchuam a um ah. Khenkhat chu amau taksa ngei chanchinpha gen ah kalsuan, khenkhat chu imun ah pauchapna pang leh khenkhat chu sum leh pai tuak ah pang a um hi. Ziaziakchun, imun ah la pantheina chu semtute a ding ah sum la tuakna kha ahi. La sum tuakna zal in khrista chanchinpha chu keklet ah um zel ahidan hemil kin la, theitawp ah pan lak zel ding ahi.

4. PATHIAN I HEPI SUKLATNA.

Khawvel gam ah le mi i hepi leh i ngainat te chu thilpiak i pe sek uh ahia. Zia gual ah chun Pathian i hepi taktak chun i nei leh lam te itcha lo ah i piak ding chu ahi ding him ahi. Pathian in khawvel a hepi mama in chutichun, a chapa changkhat nei sun a piai ti gual a khan hepina dik chun thil leh nasep in a zui sek hi.

5. BIBLE CHANG TAKLATNA APAT.

(i) Sam 116:12 :- Zia Bible chang hin a chung ah Pathian in thilpha a bawl chu thuk kit a guat na thu mu ahi. Zia gual ah chun ei unle Pathian i chung ua a phatna te ngaitua in ama chu thilpiak in chawihawi chiat hitiu.

(ii) Danial 4:17 :- Zia Bible chang hin Pathian chu mihing te chung ah thunei ahi dungzui in a nawp tapo kiang a leng gam pia leh su se thei ahi dan mu ahi. Zia gual chun ei uh le Lalpa chu ei enkawl leh ei vengtu ahi dan hezing in i hinnau leh i nei i lam zosia'n ama chawihawi hitiu.

(iii) Sam 24:1 :- Zia Bible chang hin khawvel leh a sung ah um zosia lalpa a ahi dan mu ahi. Ziakiachun, mihing te leh thil zosia Lalpa a ahidan hezing in ama chu i thilnei zosia'n i chawihawi ding ahi.

GENKHAWM DI :

1. Thilpiak pethei nailo te piak ding dan..

.....xXx.....

(v) Zakai chu a pianthak phat in migenthei a ngaikhawk hi (Lk. 19:8) :

Zakai chu Jeriko khua ah cheng Sia dawltu (Tax collector) ahin, mi hausa tak ahi. Jesu lampi hung chu mu a nawp ziakin theichang kung in a kal in, Jesu chu a mu ta. Jesu'n Theichang kung apat in a ko tha'n a inn ah atung ta ahi. Jesu a inn ah atung ah a kiholim nau apat chun a piangthak ta, Zakai in jesu kiang ah chun, "Lalpa, ka nei kimkhat hi genthei te kiangin pe ta'ng ka tin, mi sum ka lepguk a um chun ale li'n dit kit 'ing ka..." ati ahi. Zia tak hin genthei te panpi chu Pathian nasep ahidan Zakai inle a hun mudawk in, zia chu Jesu'n le a kipakpi mama hi.

3. MIPHA LEM TE GUAL AH BAWLLO DING AHI (MT. 6:1-4) :

Pathian min ah thilpha i bawl zosia te a diak ah migenthei te i panpina chu mipha lem te bawl gual ah mihing pachat ding hawl na bawl lo ding ahidan Jesu'n a gen hi. Mipha lem te chun mite muna kikhawpna leh khawlai ah te mite panpina a bawl sek un, Law man chu a muzo tau. Nang haw'n vang a guk ah mi panpi na bawl un, chuleh la khut changlam piak chu la veilam in heki hen, Chutichun la pau van ah um chun hun mu'n tin, hun dit ngei ngei ding ahi ti in a gen hi. Ziakiachun, migenthei, Meithai leh tasam te panpi chu Pathian dawilam ahidan hechiat in ahinla Jesu'n a gen - Mipha lem te bawl gual in vang i bawl lo ding uh ahi.

GENKHAWM DI :-

Genthei leh Tasam te panpi chu Pathian dawilam ahidan..

.....xXx.....

i hinau ah kizatua chiat ah kisimmaw lo ding ah ei daw i ahi, Bang ziak ahem iti chun i leng ua Pathian siam gelgel i hi ziak un ahi. Migenthei musit chu Pathian musit ahidan Bible in ei hil hi. A chutilochun, mihausa te le Pathian in migenthei in a siam thei in, migenthei le mihausa in a siamdawk thei ahi. Ziaziakchun, Pathian in khawvel ahin mihau leh migenthei a kawikhawm ahin, mihau te chu migenthei leh tasam te panpitu ding ah a siam ahi.

3. BIBLE CHANG I TAKLAT TEU ENKHAWM HITIU -

(i) Migenthei te khawtua ding ahi dan (Exo. 22:22-24) :

Pathian in Israel te kiang ah chun zia gual hin a gen ah - Meithai leh Nauchaga te chu la sukgenthei lou ding uh ahi. La sukgenthei ua a kaa thawm teu ka kiang ahung tun chun a sugenthei tu chu meithai leh nauchaga siam ding ka hi ti'n a gen hi.

(ii) Migenthei a ding ah huangphal ding ahidan (Deut. 15:7-11) :

Pathian in Israel te kiang in la unau chanpi'u genthei leh tasam te panpi ding in la lungthim uh sukhau ki'u inla, huangphal tak ah mitthipna panglo ah pesek in amau haw panpi ding in la ban uh zak un ti in a gen hi. Thupiltu 31;20 Na'n le Zi pha chungchang a genna chun, Zipha chun migenthei te panpi na in a ban a zak in, mi tasam te a panpi sek hi ati ahi.

(iii) Genthei te panpi chu Pathian mitmu ah sakhaw thieng ahi (Jak. 1:27) :

Jakob zik in a gen dan chu gingtu te a ding ah sakhua thieng chu nauchaga leh meithai te a genthei lai ua kanthak leh panpi chu ahi.

(iv) Genthei chung ah bawl chu Jesu chung ah bawl ahi (Mt. 25:40) :

Jesu'n khawvel tawpni ah vaihawmna ni ah chun a changlam ah umte kiang in - "Khawvel ah mi neupen chung ah la thilbawl uh chu keima chung ah bawl la hui .." ati ahi.

DATE 5/SEPTEMBER/2016 (SEPPATNI)

Thupi : THILPIAK LEH THAGAU NASEP A KITAWN DING AHI.

Bible : Luka 18:18-23.

1. THILPIAK NGAISANG TAMZAW TE NGAIDAN.

Thilpiak ngaisang tamzaw te ngaidan ah chun thilpiak hawitak leh diktak ah Pathian i piak chun thagau nasep chuam a um puai ti ahi. Ziaziakchun, Pathian thilpiak chu ama chawihawina chungnungpen ah ngai in a nei alam teu itcha lo in Pathian a di'n a landawk sek ui. Zia gual ngaidan chu anei ziakun taksa leh thagau ah Pathian pak leh chawihawi chu thupi a sa lo deu uh ahi. Bible ah thilpiak ah Pathian lam ah sukdik ding te a sukdik ziak uh hi ngei in tin, taksa lam ah muthei inle Pathian malsawmna a dawng mama'u ahi. Ahinla, mi khenkhat in a thilpiak teu midang demna leh amau kisuanna amat sek uh vang apha diak puai. Jesu'n Pharisa pa pauchapna Luka 18:9-14 na a gen - "kei vang ka nei zosia sawm ah khat in ka pia'n, sedawlp a gual kei puai" ati kha Jesu'n a kipakpi lo ahi. Ziaziakchun, i thilpiak chu midang demna matlo ding ahin, chuleh thilpiak i bawl khel ahin Pathian dan zawp ding tamtak um nalai ahi dan hiatmil lo ding ahi.

2. THAGAU NASEP NGAISANG TAMZAW TE NGAIDAN.

Thagau nasep ngaisang tamzaw te ngaidan ah chun thagau thi-angtho chan ah lim leh laam ah taksa ah pathian chawihawi khel ah Pathian dawidan a um puai ti chu a chiapi pen uh ahi. Kochuam ah chun thagau thi-angtho chu Lalpen hi henla, thagau ah dim ding leh kalsuan ding ti chu a thupi pen uh ahi. Thilpiak leh kochuam kivaihawmna lam chu a ngainep deu sek ui. Pathian thagau zal in taksa ah mimawl taktak tele pilna ahung nei un mi mattak ahung ting thei ui. Zia khel ah chun Pathian thagau zal in kochuam ah puitu khenkhat te sang inle Pathian thu hiatna lam in thugil te a hethei un, thugen leh lasak in kochuam te chawmtu'n a pang ui.

Ahinla, thagau nasep a uar na ziak ua amau gual ah um theilo zosia chu Pathian melhetlo ah a kawu ban ua thilpiak hawitak pete bangma a ngailo uh hi a chiakhial deu hilo ahiu em ti thei ahi. Chuleh, a kiphah hun ua tamtak tuakdaw chang um maleh hun sin ah thawlawm piak pawimaw lo ah khenkhat in a ngai uh hile thagau hinkhua ettawn tak ating zolo nau khat ahi kit hi. Chuleh, thil zosia thagau nasep leh thagau apat pawt ah angai lai ua amau dawidan ah a pui ziak ua chia khial le a um thei kit hi. Abang chu hileh mimal hin kochuam hitaleh thagau nasepna vang i ngaisang in i thangai zing ding uh ahi. Thagau nasep panglo in vang kochuam chu taksa kivaipuakna mai in Pathian mit atung zolo ahi. Ziakiakchun, thagau nasep i ngaisang tawh kitawn in Pathian ah thilpiak lam i ha bawl ding uh ahi. Luka 18:18-23 na Jesu'n kumtuang hinna hawlpa kiang ah thil zosia neu apat ka bawl ei tai ati lai ah "thilkhat la vat hi" ati gual khan eile i bukum lona um thei ahidan hiatmil lo ding ahi.

3. THILPIAK LEH THAGAU NASEP A CHIAKHAWM DING AHI.

Pathian na i sepna'u in Talent chuamchuam Pathian in ei piak ahi zia kin i sep dan uh le a ki bangkim thei pua. Chuleh i Pathian mu dan uh le a chuam chiat ahi zia kin nang la dik pua'n, kei ka dik hi i ti chun i genkhial thei ahi. A ziak chu Pathian i kiang ua a kilakdan kha a chuam chiat ahi ziak ahi. Tekhinna kigen sek - 'Saipi khat chu mitthum mi 3 in a khawi khau in, pakhat in a bil a khawi kha'n, pakhat in a luchang a khawi kha'n, pakhat in a pum a khawi kha'n a gen dan uh a chuam chiat in, ahinla Saipi chu Pakhat ahi. Zia gual ah chun gingtute le Pathian i mudan leh ana i sep dan a chuam chiat thei ah, ahinla Pathian chu pakhat ahi. Ziakiakchun ei a phasa ah ki-el leh kidemtua bep ah kochuam um lo ding ahi. Pathian in Talent ei piakna lam ah chun hattak ah i pang zaw ding ahi. Zia tawh kitawn ah chun thagau nasep leh thilpiak hi chiakhawm ahidan hiatzing ding ahi. Thagau nasep ngaisang, thilpiak ngaisang lo, ahiloleh thilpiak ngaisang thagau nasep ngaisang lo i hi chun gingu piangsual i hi mai thei hi.

Genkhawm di -

1. Thilpiak leh Thagau nasep matthiam ding dan..

Pawlpi hatna ding chu nang leh kei khut ah kinga ahidan hemil puai tiu. I Bible chang taklatnau 1 Korinth 12:12-31 na chun taksa bak chuam chuam a um in, ahinla khrista ah chun pumkhat ahi dan uh agen ah. Zia ban ah chun Pathian apat thilpiak chuam chuam a um in, ahinla, la leng un khrista taksa bak la hi chiat ui ati ahi.

GENKHAWM DI :-

Kochuam chu mipiten sum i tuak khawm ziak ua kalsuan zel thei ahi

.....XX.....

DATE 26/SEPTEMBER/2016 (SEPPATNI)

Thupi: MIGENTHEI, MEITHAI LEH NAUCHAGA TE PANPI CHU GINGTUTE HI DING HIM AHI.

Bible : Exo. 22:22-24; Deut. 15:7-11; Jak. 1:27; Mt. 25:40.

1. KHAWVEL AH MIHAU LEH MI GENTHEI TE UMKHAWM DING AH PATHIAN IN A SIAM AHI.

Khawvel ahin Bu tak a um leh Bu lem a um gual hin mipha a um leh mi phalo a um in, zia gual ah chun mi hau a um dungzui in migenthei le a um kit hi. Mi zosia hause taleh ahi theilo na gam a um in, mi zosia genthei taleh ahitheilona gam a um kit hi. Pathian in zia zosia chu a het zia kin khawvel ahin mihau leh migenthei te umkhawm ding ah ala lemguat ahi. Bible gendan in vang Pathian in mihau a siamna ziak chu migenthei te sawmdawltu ding ah iu ti in a gen hi. Ziakiakchun mihausa te migenthei panpi nuamlo chu Pathian za-kda lam tak ahi. Zia ban ah chun, mi genthei leh mihau te hi kipanpi tua ding ah Pathian in a siam ahi kit hi. Etsakna ding in Mihau ten a Inn ua nasemtu dingin migenthei te a pawimaw'u ah, chuleh mi genthei ten Lou a bawl ziak ua mihaute nek leh chak ding ahung pawt thei ahia. Zia te haw chu i et leh mihau leh genthei chu um khawm ding leh kipanpi tua ding ah Pathian siam ahidan akilang mama hi. Pathian dawidan chu mihau leh migenthei te chu

deu ah piak phat ahi tai ti chu vaihawmtu te lunggel ahi zia kin kipak a um mama'i. Semtu zosia'n le amun chiat un theitawp in sem uhen la, a chawm ten le theitawp ah pang in a kining tin deu na kham dingin pele hin lalgam chu tu sang in malam kisawn ngei ding ahi. I semtu teu in a kitin lo zia kua na chuam chuam a sep sek uhi, amau a ding leh pawlpi a ding in thil zachat um tak ahi. Ziakiakchun, kochuam te zal in i semtute'u chawihawi in a um thei ban ah, chanchinpha chun malam sawn thei zel ahidan hemil puai tiu.

2. KHAWSONG KOCHUAM LEH BULLAM AH KI ETKAWLNA DING IN SUM A PAWIMAW ZING HI.

Khawvel gam ahin kilawikhawmna khat a um chun sum bei ah kalsuan theilo ahidan chu mi zosia'n i het sau ahi. Zia zia kchun, khawsong ah kochuam in thil pawimaw tamtak gensenlo ki et kawlna ding sum pawimaw zing ahi zia kin kochuam mi zosia'n thawlawm chu i piak zing a pawimaw ahi. A tangpi in kochuam in sum a senna te chu - Biakin Electric fee, Thautui man, Kochuam van pawimaw chawkna ding, Biak in chowkider law ding, hun pawimaw ah mi present bawl ding, damlo ve ding, Biakin sakna ding leh a dang dang ahi. Insung khat i di'n leh sum nisin ah pawimawna/senna ding a um zing gual hin kochuam tele nisin leh hun sin ah sum sen na um zing ahidan hiat ah thawlawm piak leh thakuan haw thatbei lo ding ding ahi. Kochuam te chu sum muna chuam neilo a hi'n, a kingakna chu mipi ahi mai hi. Chuleh kochuam Puitute haw vang hi law bei ah sem ah in, mipi ten sum i thaw ah, amau hawn tawmgai sua ah pan nasatak alak uhi kipak a um mama hi.

3. BULLAM LAM AH THAWLAWM PIAK ZIAK AH KALSUAN THEI ZEL AHI.

Khawsong kochuam ah sum i pawimaw gual hin bullam ah semtute law i piak ban ahin na tamtak sep ahi zia kin sum chu a pawimaw zing hi. Bullam ah sum matna tangpi te - Semtu te law ding, Missionary nasepna mat ding, Vangsiatna tuak te panpi ding, Kochuam a ding pawimaw In leh Quarters sak ding, Khawmpina mat ding, Synod lam ah ei phut teu piak ding leh a dangdang ahi. Ziakiakchun, zia a chung ah kigen te haw zosia i sep thei nau chu Kochuam mipiten thawlawm i piak khawm zia kua uhi.

DATE 6/SEPTEMBER/2016 (SEPKITNI)

Thupi: THILPIAK APAT TAKSA LEH THAGAU LAM MALSAWMNA Bible : Deut. 28:1-8

1. TAKSA MALSAWMNA.

Pathian in a chate bawl ding dawl ah a gen Pathian ah thilpiak a bawl chun khawvel gam ngei ahinle taksa malsawmna a dawng sek hi. Bible ah mi masa Abraham, Isak leh Jakob te hinkhua khale i et chun Pathian in amau taksa damtheina a piak ban ah a zi a chate, a suak te, a gangual te, a bu leh bal te leh a dang dang in a malsawm khawm sek hi. Ziakiakchun, tuni hin Pathian in a chate taksa malsawmna dawng lampi a gen te vak en khawm hitiu.

(i) Hinkhua ah malsawmna chuamchuam (Deut. 28:1-8).

Zia Bible chang hin Pathian thumatna zia kua ah taksa malsawmna chuam chuam dawn ding dan a genna mu ahi. Zia te chu - Khawpi sunga, lou mun ah, gila ga te, huan thaite, gancha te, melma lak ah hukhinna leh a dangdang ahi. Zia tak ah kigen te hin mihing hinkhua malsawmna zosia a huap vek hi ti ding ahi. Pathian in ala tepsa ahi dungzui in ama dawngual ah um leh khawsa taphawt chu zia a chung ah taksa malsawmna ki gen te hin malai a pat tuni tiang in a malsawm zing sek ahi.

(ii) Bu Inn leh Uai in sukna te dimletna (Thupil te 3:10).

Bible chang i taklatna'u ah chun Go thilnei te leh ga masa zosia ah Lalpa chawihawi na piak chu taksa malsawmna Bu in leh Uai in sukna te hung dimletna ahi dan mu ahi.

(iii) Thil zosia piak belap ah umna (Mathai 6:33).

Bible chang i taklat nau hin Jesu'n a thu ngaitha te kiang ah Pathian gam leh a dikna hawl masa phawt le'u chin, zia thil zosia la mamaw teu chu hun piak belap ding ahi ati ahi. Zia thil zosia ati chu taksa lam malsawmna chuam chuam a genna ahi. Luka 6:38 na'n le Jesu'n a thugen na'n - Pia'u in, piak

in um inla'u atina chu Pathian apat malsawm na leh mihing chanpi te apat malsawmna a genna ahi.

Chutichu ahiziakin, Pathian ah thawlawm chuam chuam la piak ziak ah tasam ziang ding ah ki ngaitua lo ding ahi. Pathian ah a petam ten malsawmna a dawng tam un, a pe tawm ten malsawmna a dawng tawm mai sek ui. Pathian lam ah piaklo ziak ah kitasam zaw ahi dan hiatmil lo ding ahi. Pathian Laa khat in - "Ei thawk sik thuak bep hilo in leilam malzawlna'n ei vuksa nalai", ti leh Laa dang khat ah - "Thilpiak in Pathian chu khup zo puan la, Pathian in mihing lei a ba ngai puai, malzawlna nak ahi ngal ah.." ti laa phuak te hin thilpiak a pawimaw dan thagau in ala muchian ma ma'u ahi.

2. THAGAU LAM MALSAWMNA.

Gingtu hinkhua hin i taksa leh thagau ah Pathian i chawihawi ban ah thilpiak i bawl chun i thagau hinkhua chu a kipak diak ahi. Tekhin na'n - Biakin kikhawpna ahiloleh Christmas ni mi zosia'n thawlawm a piak lai ah nang in tuaklo lechin la lungthim nawp taktak thei puan ah, chuleh la thagau hinkhua le kipak zo lo in Pathian la chawihoi di gual inle chawihoi thei lo ding la hi.

Zia gual ah chun gingtu chiat chiat le thilpiak ah kalsuan te chu thilpiak pelo te sangin a kipak nau a sangzaw sek hi. Gingtu hinkhua hin thilpha thilneu chacha i bawl na hin i thagau hinkhua a kipak in, thilphalo thil neu cha cha i bawl na hin ei sunawp phak sek ahi.

Thilpiak Pathian ah piak masakna apat gingtu hinkhua a kipak thei in, chuleh kipakna leh lawtinna mu na apat thilpiak piak inle kipakna ei tun thei tho ahi. A bang hileh, i gennawp pen chu thilpiak ah nasep na hi gingtu te hinkhua taksa leh thagau malsawmna dawna lampi pawimaw tak ahi dan hemil puai tiu.

GENKHAWM DI :-

Taksa lam malsawmna bep enlo ah thilpiak piak zel ding dan..

.....XX.....

DATE 25/SEPTEMBER/2016 (PATHIANNI)

Thupi : KOCHUAM KILAWIKHAWMNA SUM LEH PAI AH THILPIAK PAWIMAWNA.

Bible - 1Kor. 12:12-13.

1. SEMTUTE NEKDING LAW PIAK PAWIMAW ZING AHI.

Kochuam sung ah semtute nek ding law chu kochuam te piakkhawm sum leh pai te haw hi ahi ziaakin chawlo ah piak zing chu a ki pha maw mama hi. Tulai tak ah Kochuam ah i semtuteu thakhat law i piak uhi Lakh thum vel ahin, amau haw chu - Pastor te, Evangelist te, Evangelist Teacher te, Kochuam Office ah semtute, leh semtu pension te ahiu. Thasin ah kochuam mipiten sum leh pai i piak ziak ua buailo ah amun chiat ua semzing thei ahiu. Bible in Bawng in bu a chil lai in a muk chu kan ki'n ati gual in semtute chu nek ding piak ding him ahiu.

Kochuam dang ei sang ah khangto zaw deu te haw tawh tekkin din vang tu ah i semtu teu thalaw haw hi atam lam vang ei nai puai. Chuleh, semtu khenkhat te thalaw haw vang hi mi lak ah gen ding inle zachat a um mama hi. I gam Central Govt. in semtute law ahun sukpun leh vanman zosia ahung khan le kochuam ah semtu te tawmcha law te a di'n haksatna atun diak hi. Taksa lam ah law mai etna mi tamzaw ten Mission nasep a ut pawna mau ah awimaw chu a um sam puai. Ahinla, tu dinmun ah i semtu teu hi Pathian kona chang ah hung kipan ngen ahi ziak ua law tawmziak ah phun nawi a um puau in, lungdam takin a sep chiat uhi, kipak a um mama hi. Semtute law tawm ziak ah vaihawmtu te le a ki awimaw thei puau, a ziak chu malai ah khan semtute law supung nuam lehin le i sum in a dailo ziak ahi pen hi. Ahinla, tuhin Pathian panpina zal in kochuam ten le thawlawm piak ah pan nasatak ah i lak tak ziak in semtu te a diak ah Evangelist lam hi kiningting

5. KOCHUAM TE ZIL DING.

(i) Jesu khrista zintun thei na inn sung hi ding ahi :

Mari leh Martha te inkuan chu Bethani khua ah chun inn hawipen leh nuam pen hilou maleh Jesu zintun nawp na pen ahiu. Ziagual ah chun eimau leh Jesu zin tun nawpna insung hithei dingin kisingsa chiat hitiu.

(ii) Jesu mu chian tu ten bangkim a phal sek ui :

Mari in Jesu chu thagau ah amu chian ziakin sathau mantam tak chu itcha lo in a chung ah nu in a butkhum hi. Zia gual ah chun ei unle jesu thagau a i mu chian chun i nei zosia itchalo in ama din ipe phal ding ahi.

GENKHAWM DI :-

Jesu muchian na chun kipumpiakna siam a hidan..

.....xXx.....

DATE 7/SEPTEMBER/2016 (NILAINI)

**Thupi : THILPIAK HI GINGTU HINKHUA LEH
KOCHUAM TE GASUA SUKLATNA AHI.**

Bible : Johan 15:16; Philippi 4:16-18.

1. MIMAL HINKHUA GASUANA.

Gingtu te hi i hinkhua'u ah taksa leh thagau ah gasua ding ah Lalpa'n ei dawite i hiu ah. I Bible chang taklatnau Johan 15:16 na chun Jesu'n a nungzui te kiang in "La chia'u ah va ga ding leh la ga'u ah um zing ding in ka guat la hiu" ati thu mu ahi. Zia chu tulai ah ei uh a ding ah le thil pawimaw mama khat ahi. I ga ding dan chu i gingtu chanpi leh ginglo tu ten i ga a nek thei ding ua um ding tina ahi. Gingtute hi muthei taksa ah gasua ding te i hiu.

Pathian a ding ah thilpiak bawlna chu gasua na chikhat ahi. Chuleh, eima ziak ah ginglotu khat in khrista chanchinpha a dawn chu le gasuana chikhat ahin, hotu khat in a nung ah puitu hawitak a siamdaw chule gasuana chikhat ahi kit hi. Ziaziakchun, gingtu hinkhua chu taksa leh thagau ah Pathian min ah piakdaw lam ahi zing in, zia chu Jesu daw lam ahi. Jesu'n khawvel ah a lenlai ah hunkhat chu lam gei ah Theichang kung a Dua nim depdup amu ta, ama le a gilkiak bekset ziakin zia Theichang chu a ga um ngei ding ah a ginchat ziak in ava nai in aga chu ava hawl ah. Ahinla, a kinep gual in a ga ala um ta pua. Zia phat chun ama le alung ana ta lua'n Theichang chu a gai in ahileh kumkhua in a ga talo ahi. Zia chanchin chun gingtu te gasua a pawimaw dan ei et sak ahi. Theichang kung gual ah chun a pawlam ah chun gasua ding ah kilawm mama, ahinla i ga umlo i hi khak ding thil lau um tak ahi.

2. KOCHUAM AH GASUA NA (PHI. 14:15-18).

Mimal hinkhua gasua a pawimaw gual in kochuam inle gasua chu thil pawimaw mama khat ahi. Bible i taklatna'u Phi. 14:15-18 na chun sawlchak Paul Thesalonika khua a um lai ah Philippi kochuam in Epaphrodita khut ah thilpiak a thawt ziak ua a kining ting dan leh a kipak dan a gen ah. Zia a thil bawl uh chu kochuam te gasuana ahidan le a gen hi. Ziaziakchun, kochuam te hi muthei leh mutheilo ah kalsuan khawm i hi ziak un kochuam hat leh hatlo tena phapen chu mu thei ah gasuana hi ahi. Thagau ah hat mama, thilpiak lam ah tasam i hi chun a buting zo nailo i hi.

Kochuam ah i gasua na ding tangpi te chu - Thawlawm chuam chuam piakna te, missionary chawpna panlak dan te, Biakin sakna panlak dan te, genthei leh tasam te panpina lam leh a dang dang ahi. Pathian thu hi piakdaw leh sukpun ding (Bible ah talent sukpun tekhnin thu gual in) ahi dan hiat ding ahi. Ei lak ah kochuam khenkhat in kochuam thak hing dawk thei/ inchuan dawk thei ah um te hile kochuam gasua ettawn tak te ahiau. Kochuam hing chu tui gual in luang zing in tin, muthei ah thilpiak leh nasep daw ah ga a sua ding ahi.

GENKHAWM DI :-

Gasualo gingtu leh Kochuam te gasua ding dan..

.....xXx.....

vang jesu thugen ngaitha te lak in a pang hi (Johan 12:1-3). Johan zik gendan hi vang Mari te inn ah Jesu an anek pi nau ah a inn neitu nu Mari chun sathau a hun nu hileh a kilawm hi.

Mari in Jesu sathau a nu na ziak vang Bible ah chiantak ah a gen na vang a um puai. A hinla, Mari chu Jesu ngaina mama khat ahin, hun dang in le Jesu thugen ngaitha in thip hiathiat in a chu sek ahi. Ziaziakchun, Jesu a hepi mama suklatna sathau mantam tak chu a chung ah a butthak bep hilou a sam ah thiak in a zutvel hi ding ahi. A hithei tawp chu Jesu chu an tuitak a neksak ban ah, anei sun sathau gimtui mantam tak anu chu ahi. Tulai ah ei un le i nginat te i inn ah i kou ah an i neksak ban ah Puansil sak ahem thilpiak i bawl sek gual uh hin, Mari'n le Jesu chung ah a bawl ahi.

3. MARI IN JESU SATHAU A NU A MANTAM DAN.

Bible in a gengual hin Mari in Jesu sathau anu hi spiknard thau ahin, zia chu taksa gimtui na ding ah kinu sek ahi. Tu hunlai ah gimtui na ding ah i mat sek uh Perfume gual ahi. Zia hun lai ah a sathau man chu cheng zathum (300) ahi. Mithiam te sutdan in zia hunlai ah nikhat kilaw man chu cheng khat vel ahia, cheng zathum law daw na ding a chun ni 300 sung ki law ngai ahi. Zia gual ah sathau mantam tak chu Mari chun itchak na neilo kei in Jesu chung in ahun buntha ahi.

4. JESU CHUN MARI THILBAWL A KIPAKPI HI.

Sathau mantam tak Mari in jesu ahun sunkhum chu nungzui Juda Iskariot chun pamai ah sakna thu zia a nuai ah gual hin a gen hi. "Zia gual ah sathau mantam tak chu Jesu chung ah a mawk buthak sang in zuak henla, genthei te panpina'n mang zaw leh phazaw ding hiven."..! tin a gen hi. Hi-maleh, jesu chun vang Mari thil bawl chu a kipakpi mama in, Mi zosia hiat ah chun Mari in ka chung ah thil phatak ah bawl hi, a bawl thei sun a bawl ahi tin a kipakpi na thu a gen hi.

3. SAKLAM MICHING TE APAT ZIL DING.

Saklam miching ten a gobawm teu hawng ah a thilnei lak ua thil phapen a piak gual ua hin ei unle i thilnei phapen te Pathian i pe ding uh ahi. Gobawm hawn ti hin i thilnei phapen piak ding tina ahi ban ah i lungthim sunggil pen ama lam ah hawn ding tina le ahi.

GENKHAWM DI :-

I Lungthim Gobawm teu hawn ding dan..

.....XXx.....

DATE 24/SEPTEMBER/2016 (KIGINNI)

Thupi : LALPA JESU CHU MARI'N SATHAU MANTAM TAK A NU HI.

Bible :- Johan 12:1-8.

1. JESU LEH SATHAU HUN NU MARI KI UNAUNA.

Mari min pu Bible ahin mi tamtak a um in, zia te lak ah tu ah kigen Mari Jesu sathau hung nu tu hi, Martha leh Lazar suapi nu ahi (Luk. 10:38-39). Amau inkuan chennau chu Bethani khua ahin, Jesu'n le amau haw hi a ngaina mama in, a khualzin phat leh a inn un a tung sek hi. A hepi mama ziakin Mari suapi Lazar thisa le a kaitho hi (Johan 11:1-4). Ziaziakchun, Mari, Martha leh Lazar te haw hi Jesu ah ding ah Bethani khua ah ngainat sungkuan te ahiau.

2. MARI'N JESU SATHAU A NU NA MUN LEH A NU NA ZIAK.

Mari in Jesu sathau a nu na mun hi amau umna Bethani khua ahi. Marka 14:3 na'n vang Simon phak natna veipa inn ah Jesu an a nekp i hun ah Mari in sathau mantam tak chu Jesu a nu hidan in a gen hi. Abang chu hileh a Ann nek hun hi zanlam ahin, Martha chu nek di bawl in a buai in, Lazar chu

DATE 8/SEPTEMBER/2016 (NINGANI)

Thupi : SAWM AH KHAT HI PATHIAN IN MIHINGTE KI-ANG AH A PHUT AHI.

Bible : Malaki 3:8-11; Lev. 27:30-32; Deut. 14:22-29.

1. SAWM AH KHAT MIN UMZIA.

Sawm ah khat ti umzia chu sum leh pai i mudaw te zosia sesawm lak apat sekhat tina ahi mai hi. Zia sawm ah khat chu sum bep hilo in huan ah thai te, gancha te leh thil dang i nei zosia a huap suak vek hi. Zia chu Pathian in kei chantum ahin, sekua te kha nang uh a ahi ati dungzui in Israel ten dik-tak ah a piak sek uh ahi. Zia chu tulai ah gingtu ten le kichiapi zing in sawm ah khat chu nei leh lam apat in piak zel ahi.

2. SAWM AH KHAT PIAK DAN BIBLE AH KI GENDAN.

(i) Lou ah Thai leh Thing ah ga te zosia leh gancha te Lalpa a ahi.

I Bible chang taklat nau chun Lou ah Thai te, Thing ah ga te leh gancha te zosia lak ah sawm ah khat chu Lalpa a ahi dan mu ahi. Zia chu Lalpa chantum ahin, ama a ding ah thil zek thiangtho ahi dan le mu ahi. Thil zek thiangtho ti umzia chu lalpa chantum chu ama piak ngei ngei ding, mihing in khawikhak lo ding, i khawikhak chun thil lau um tak ahi a tina ahi.

(ii) Louma piang taphawt leh gancha piang masapen apat (Deut. 14:22-29).

I Bible chang taklatnau hin sawm ah khat lou ma piang leh gancha piang masa zosia chu diktak ah Pathian piak ding ahi dan mu ahi. Zia chun Bu, Uai in, sathau leh gancha chuam chuam a vak teu a piang masa zosia a huap vek hi. Zia tak ah la piakkhawm teu chu Temple a hem mun kiguatna mun ah chun lim takin la insung mi zosia'u tawh kumsin leh la nekkhawm di'u ahi. kumthum tin kum sin leh Levi chi te la piak ban ua in leh lo neilo te, nau-chaga te leh meithai te la piak ding uh ahi ti'n Pathian in a gen hi.

(iii) **Changbuang leh Thawlawm zosia Thiampute a pia'u ahi** (Neh. 10:37-38; 13:5,12).

Bible chang i taklatna'u te hin Israel ten Nehemia hun ah Changbuang amek teu lak ah masapen te, a thawlawm teu, Thingga masapen te, Uai in te, sathau te, thawlawm bu te, gimtui leh um leh bel te apat sawm ah khat chu Thiampu chi Levi te a ding ahi dan mu ahi.

(iv) **Abraham, Jakob leh Pharisai ten sawm ah khat a pia'u ahi.**

Abraham in a melmate zosia zo ah ahung kilekit a chun salem khua leng leh thiampu Melkisedek in ala lamtua in, mal ala zawl ah. Zia phat chun Abraham inle a melma te apat a gal lak zosia van lak apat sawm ah khat chu Melkisedek a piak thu mu ahi. (Gen. 14:17-20, Heb. 7:1-2) Jakob in Bethel mun ah Pathian vansawchak te amang ah amu zaw a khan Pathian malsawmna a dawn te apat sawm ah khat Pathian piak ding ah a kitiam na thu mu ahi (Gen. 28:22).

Thuthungthak hun lai ah Pharisai te khan a nei alam zosia'u apat diktak ah sawm ah khat a piak thu mu ahi (Luka 18:12).

3. SAWM AH KHAT PATHIAN PHUT AHI DAN (MALAKI 3:8-11).

(i) **Sawm ah khat pelo te Pathian suam ahiu - (Mal. 3:8)**

Bible chang i taklatnau Malaki zik ah chun Israel te lak ah sawm ah khat diktak ah pelo te chu Pathian in ei suam ahi ati ahi. Lei suam ui ati na ziak chu Pathian chantum pelo ah amau a kichan ziak uh ahi. Sawm ah khat pelo zosia chu Pathian suam leh Pathian a guk piak tina ahi.

(ii) **Sawm ah khat diktak ah pe ding ah phut. (Mal. 3:10)**

Sawm ah khat chu Pathian chantum liau liau ahiziak in diktak ah pe chiat ding in Pathian in Israel te kiang in a phut ahi.

(iii) **Sawm ah khat petute Pathian in malsawm ding ah a kitiam ahi.**

Pathian in a cha sawm ah khat hawitak ah petu te chu bangkim ah malsawm kit ding ah a kitiamna ahi. Bible ah Pathian kitiamna hi mu tam ahi pua, ahinla sawm ah khat pe taphawt malsawm ngei ngei ding ah a kitiamna hi a kipak um mama hi. Khenkhat ngaidan ah sawm ah khat piak hi thuthunglui lai a gual in a ngai un, zia chu a ngaitua khial uh ahi.

(c) Israel ten Thai thillat anei phat uh leh Begaw tawh a helkhawm sek ui (Lev. 2:P1-2).

Zia a chung ah kigen khel ahin Begaw chu amatna tamtak le um nalai ding ahi. Jesu pian ah saklam miching te khat in Begaw ahun piakna ziak chu Begaw chu thiampi ten temple ah amatchak sek uh ahi ziak ah Jesu chuleh Pathian thiampu ahi zia suklatna ahun piak ahi. Thiampu te chu Pathian leh mihing kikal ah palai ahi gual ah Jesu le palai ahi zia suklatna leh thiampu hina ama ah a bukim zia taklatna ahun piak uh le ahi.

(iii) **Murra** : Murra hi thing chikhat Begaw gual tho ah gimtui ahi ban ah sathau ah le siam ahin thil mantamm ahi. Bible ah Murra ki genna te chu a nuai ah gual hi ahi.

(a) Joseph hun ah Ismael sumkawvei ten le a zawk ding ua a puak sek uh ahi (Gen. 37:25).

(b) Thil gimtui taksa kinu sek ahi (Exo. 30:23).

(c) Sil leh Chen te leh Puan te gimtuina dinga kinu sek ahi (Sam 45:8; Thupilte 7:17).

(d) Sathau ah mat ahi (Esther 2:12).

(e) Rom sepai ten Jesu dawn ding in Uain tawh Murra kihel a piau ahi. (Mk. 15;23).

(f) Nikodem in Jesu luang nu dingin thil gimtui Murra ahung chawi hi (Johan 19:39).

Zia a chung ah kigen te apat hin Murra kimat dan tangpi te hiat thei in a um ta ahi. Saklam miching te khat in Jesu ahun piak na ziak chu Jesu chu hung thi ngei ding (Murra chu mithi luang a gimtui na dinga nu sek ahi guala) ahi ziak thagau ah a mu ziak ahi.

(a) Casper (b) Melchior leh (c) Balthasar ahiu hi in a gen ui. Bible ah kintak zik hilo maleh Pathian in a kiang ua thu gen in Juda te Lal Bethlehem kua hung piang chu chiau inla, chibai va buk un ati hi ding ahi. Aksi ahung zui un Juda te Lal chu Herod chapa hi ngei in ah ti in a in ahung zawt ziang uh ahi. Tichun Bethlehem ah chun nausen Jesu chu a va mu in, a Gobawm teu hawng in thilpiak Sana te, Begaw te leh Murra te a piau in, chutichun a gam lam un a kilekit tau ahi. Amau haw chu Jentel mi ahiu ah, Jesu pian ah chibai buk masapen ahi tau ahi.

2. SAKLAM MICHING TEN NAUSEN JESU A THILPIAK TEU (MT. 2:11).

(i) Sana :

Sana hi Khawvel ah thil mantam leh mi zosia ngaisan mama thil ahi. Sana pawtna gam te chu gam hausa ah ngai ahiu in, chuleh sana ah in cheizo leh taksa ah sana kithuam na mangzo te haw chu mite chung ah gual chungchuang ah ngai ahiu. Bible inle sana hi a chuang tam in, zia te chu - (i) Solomon in a Temple sak kha sana tui a luan khum in (1Lengte 6:21-22), (ii) Temple cheina te, (iii) tekhin thu te leh (iv) van Jerusalem thak chu sana chuam chuam ah jem leh chei ahi ti thu Bible ah mu ahi. Zia gual ah Pathian thu awi te leh awilo ten le a ngaisan gel gel uh thil man tamtak chu Jesu pian ah chun saklam miching te khat in ahun pia ahi. Sana a piakna ziak chu zia hun lai ah Lengte kiang ah mi a chia ding leh a thilpiak chawi ding chu mite ngaisan sana chu a chawi sek him uh ahi. Ziaziakchun, saklam michingte khat in Jesu sana ahun piakna ziak chu Jesu chu Pathian chapa, Lei leh Van ah Leng ahi zia thagau ah amu ziak hi din ginchat ahi.

(ii) Begaw : Begaw hi thil gimtui thing chikhat apat ah siam ahin thuthunglui apat thuthungthak tiang ah hal gimtui in a pang sek hi. Thuthunglui ah Begaw kigen na tangpi chu a nuai ah gual hi ahi.

(a) Mosia hun apat Pathian mun thiangotho Biak buk ah chun Thiampu ten gimtui ding ah ahal sek uh ahi (Exo. 30:34-36).

(b) Begaw chu thil gimtui ahi zia kin a umna chu a nuam mama ahi (Solomon Ia 3:6; 4:6).

Gingtu zosia hi ding ah Pathian in a gen ahi. Pathian in a petu te malzawl ding ah a kitiam hi a dik mama in, sawm ah khat diktak ah ka piak ziak ah ka buai hi ti sang in ka pung deu deu hi ati sek ui. Mi khenkhat vang in Pathian piak ah malsawmna dawnna hawi pen chu sawm ah khat ahi. Kuama hillo ding ahi ati hial ui. Zia ziakchun, kochuam ten patep in sawm ah khat Pathian chantum hi diktak in pegaw chiat hitiu.

GENKHAWM DI :-

Sawm ah khat piak hin thiango leh thiango a um chuam diam..?

.....xXx.....

DATE 9/SEPTEMBER/2016 (ZILTAWPNI)

Thupi : KAINA LEH ABEL THILPIAK APAT ZIL DING.

Bible : Gen. 4:1-4; Heb. 11:4.

1. ABEL LEH A THILPIAK.

Bible chang i taklat nau Gen. 4:1-4 na hin Adam leh Evi cha Kaina leh Abel te nek hawlina leh Pathian kiang ah a thilpiak dan teu chanchin mu ahi. Bible ah kimu dungzui in Abel chu a neu zaw ahin, ama chu belam ching mi ahi. Pathian chu ama vengtu leh a gan hawn zosia supungtu leh etkawlpi tu ahi ti a hiat zia kin Pathian a di'n a Belam te lak ah a hawi pen pen chu maicham in a lan ahi. Pathian in Abel thilpiak chu amu in a kipak in a Maicham siam chu a pawm piak ta ahi. Pathian in a thilpiak a pawm na ziak chu bang dang ziak hilo in a gancha te lak apat a hawi penpen teldawk ah a piak na ziak hi ahi.

Ei uh tulai kochuam ten le Pathian thilpiak i bawl phat leh Abel gual ahin a hawi penpen te chu Pathian i piak di'u ahi dan ei zilitil ahi. Chutichun, Pathian in i thilpiak teu chu ei pawm in ei malsawm ding ahi. Amin mai ah Pathian thilpiak bawl chu ama kipakna hidiak lo ahidan hezing hitiu.

2. KAINA LEH A THILPIAK.

Bible ah kimu gual in Kaina chu Abel U ahin, ama chu Lou bawl ah nekhawl mi ahi. Lou bawl mi ahi dungzui in Lou ah Thai tamtak a thodawk ah, a nau Abel bawl gual in aman le a Thaiga te chu Pathian ma in Maicham in ahung pia ahi. Ahinla, a thilpiak ah chun Pathian chu a kipak talo ahi. A ziak chu Kaina chun Pathian a thilpiak chu a hoi leh phapen le tel diak lo ah, a min mai ah a piak ziak ahi. A nau Abel thilpiak Pathian in a pawm ah, ama thilpiak pawm ahi puai ti a hiat phat in a lung ana mama in, amel le a thim kei kui ziang ta ahi. Zia phat chun Pathian in Kaina kiangin - bang ding ah lungna la hem? Nang inle a dik bawl lechin pawm hilo diak di la hem? Zia-ziakchun, gitlona chun la kawtbul in ahun chang zing in, zia chu la zaw guat ngei ngei ding ahi ti'n Pathian in a awimaw ahi. Ahinla, Kaina chun gitlona chu dozo lo in Lou mun ah a lou kuan nau in a nau Abel chu a that ta ahi. Zia gitlona zosia Kaina in ahung bawl theina chu Pathian ah a thilpiak a hawi pua, Pathian in a pawmpiak lo leh a thangtawm ziak ahi. Amanle, Pathian thilpiak bawl hawi leh Pathian in pawm in tin a hinkhua le kipak ding ahi.

Zia a chung ah ki gen Kaina hinkhua apat hin tulai kochuam tenle zildaw ding tamtak a um hi. Pakhat na in Pathian ah thilpiak hawilo i piak chun Pathian pawmlo ahi bep hilo in eima hinkhua ah lung awilona ei tun thei bep hi. Panina in midang thilpiak Pathian in a pawm ah, malsawm na a dawn nau ah eiman i thangthip lo ding ahi. Zia sang ah chun eiman le Pathian pawm tak ding ah thilpiak i bawl mai ding ahi. Zia chun i hinkhua pumpi kipakna ei tun sek ahi. Hebrai 11:4 na Abel kithawina Pathian in a pawm in, midik ah pawm ahin, ziaziakchun a thi nung inle thu a gen hi ati ahi. Thi nung ah thugen ti umzia chu midik thisan chu Pathian in a hezing in, chuleh khangthak te ettawn tak a ting zing hi tina lampang ahi. Ziaziakchun, eima le diktak ah thilpiak i bawl chun, i thinung inle thu gen ding ahi.

GENKHAWM DI :-

Abel thilpiak gual ah i thilpiak teu Pathian pawm tak ah piak ding dan.

.....XXx.....

3. JESU'N TEMPLE A SUKTHIANNA (MT. 21:12-13).

Bible chang i taklat nau ahin Jesu'n Temple a sukthianna thu mu ahi. Pathian mun thiangtho chu Pathian pakna mun ah mat hitalo ah, sumkawveina mun ah amat uh chu a zakda mama ahi, zia gual ah chun ei hawn le i biakin sung matdan teu le thiangtho tak ah mat ding dan leh thawlawm sum etkawl phat ding dan kochuam te ei ziltil ahi.

GENKHAWM DI :-

Kochuam sum leh kochuam van te za ding dan..

.....XXx.....

DATE 23/SEPTEMBER/2016 (ZILTAWPNI)

Thupi : JESU PIAN AH SAKLAM MICHING TE THILPIAK.

Bible : Mathai 2:1-12.

1. SAKLAM MICHING TE CHANCHIN.

Saklam michingte chanchin hi Bible ah a ki genna a tamlo ziaakin Bible suitu tenle ahe tam thei puau ah. Sualam gam apat hung kipan ahiziak un Sualam/Saklam mipilte(The wisemen from the East) ti ah gen in a um mai ui. Babylon gam ahem, Arabia gam apat hung kipan hi di'n a gingcha'u ahi. A bang chu hitaleh amau haw chu Aksi chanchin suimi(astrologer) ahiu in, nisin ah Aksi chanchin a suina'u apat Aksi lam dang Bethlehem Aksi chu amu ziak ua ahun zui uh ahi. Mithiam ten zia Aksi chu Aksi mei khutung (Comet) hi di'n a gingcha'u ahi. Mithiam te gendan in khawvel ah thil lamdang mi lopi pian ding, kidopi um ding leh Kial tun ding phat leh zia gual Aksi hi hung kilang sek in gen ahi. Ziaziakchun, Jesu pian B.C 4 inle zia Aksi chu hung kilang ahi ti ah gen ahi.

Saklam Michingte chu a thilpiak uh thil pathum ahi ziaakin mi pathum hi di'n ginchat ahi mai ah. Mi khenkhat gendan ah chun a min uh chu -

a siam ding ahi.

2. KOCHUAM IN THILPIAK ETKAWLNA LAM -

(i) **Sum enkawltu** : Kochuam sum enkawltu ding chu sum leh pai ah mi ginum ahi ding ahi. Zia chu a masapen in Kochuam Upa te ahiu in, amau haw chu bangkim ah a ginum ding sa ngai vek ahiu. Kochuam Upa umlona leh Upa kidailona mun in vang Tual Upa tele pang thei in'au. Sum enkawltu ding chu mi ginum hi ding ti chu local te a bep hilo in khanglai te, nupi te leh kochuam sung ah department chuam chuam le a huap vek hi.

Kochuam tamzaw te kochuam sung ah buaina hung kipat na hi kochuam te piaksa thawlawm sukchatvai ziak leh etkawl dukdak lo ziak ahi pen hi. Sum kitup tak ah etkawl ahiloziaik chun mipi thatbeina le a tung thei hi. Kochuam sum muna leh paina te kitup tak ah Audit bawl thei ding ah um ding ahi. Audit bawl theilo ah Treasurer hin Finance Register bu um ziang ti haw chu a zachat um mama hi. Ahiloleh kikhutsan hun tung ta ngal ah, a sum balance umte a kawltan a piak theilo ziak ah kisang theilo ti haw bang chu thil fello tak ahi. Thawlawm sum haw hi hawitak ah Pathian min ah lat thiangtho ahi zia kin matkhial ah Pathian gawtna chankhak ding thil lau um tak ahi. Pathian gawtna ding tangpi te chu kochuam ah buaina leh thagau ah limlona, mimal ah damlona chuamchuam te leh insung ah buaina te ahi.

(ii) **Bullam ah a vaima thei lam ah thawlawm piaklut zel ding ahi** : Thawlawm lakkhawm bullam ah piaklut ding himhim chu a vaima thei pen ah piaklut zel ding ahi. A chutilochun, kochuam te thawlawm piakdan thakhat leh thani dan ah sua phat leh tha tamtak kochuam te piaklona a um phat leh bullam ngaisaklo a bang ziang sek hi. Zia ban ah chun bullam ah piaklut ma sum chu a enkawltu ahem, midang in ahem amat ah a piak ding hun ah ahun piak theilo chun kochuam ah kihetthiamlo na le a tut thei ahi. Zia ziaichun, thawlawm bullam ah piaklut ding himhim chu a vaima thei lam ah piaklut zel ding ahi.

DATE 10/SEPTEMBER/2016 (KIGINNI)

Thupi : MISSIONARY NASEPNA LAM AH THILPIAK HABAWL DING AHI.

Bible: Mathai 28:16-20; Marka 16:14-16.

1. CHANCHINPHA PUANGZAK CHU GINGTU TE NASEP PIPEN DING AHI.

Gingtute khawvel ah i um sung ua pathian na i sepnau hin sep dan zat chuam chuam a um hi. Zia te haw lak ah a thupi pen chu khrista chanchinpha khawvel ah puangzak zel hi ahi. Bible chang i taklat nau mathai 28:19 na chu Jesu'n - "Chia'u inla, nam tin lak ah mi nungzui ah siam un.." ti'n a gen ah. Marka 16:15 na'n le - "Khawvel zosia chia'u inla, thilsiam zosia kiang in chanchinpha va gen un.." ti'n Jesu'n a gen kit hi. Marka zik vang hin khawvel mihing te kiang bep ah chanchinpha gen ding in ei sawl pua'n, thilsiam dangdang thing leh gua zosia kiang tiang ah le chanchinpha gen ding ah ei sawl ahi. Khawvel tawp ni leh thilsiam zosia le hukdaw ahi ding ziaik ah a gen hidi'n ginchat ahi. Ziakiachun, missionary nasepna lam ahin thilpiak ah pan nasatak in la zing hitiu.

2. I SUM LEH PAI TE MISSIONARY NASEPNA LAM IN HAMAT HITIU.

Gingtu hinkhua ahin missionary nasepna ngaikhawk mimal leh kochuam hi ding hi thil pawimaw tak mai ahi. Zia chu Jesu thupiak chungnungpen mihing ten i hi ding ua ei gen ahi. Gingo tu te kianga taksa mimal ah va kalsuan thei khello lehin le, i um mun ah i septhei chu sum leh pai tuakdaw ahi. I sum tuakdaw chun missionary te mangcha'n, gingo tu te lak in khrista chanchinpha chu ava gen ahi. Eimau haw le gal gamla tak tui pi gal lam ah sap ten chanchinpha chu ei hun hil uh ahi ngal ah. Amau le taksa ahung kalsuan daw thei a um un, inmun ah sumtuak leh pauchap na pang pawl a um uh ahi. Zia gual ma chun ei hawn le midang chanchinpha henailo te kiang in gensawn kit chiat hitiu.

Ziaziakchun, nisin ah thagau mangthai tamtak mualliam zing te chu hepilo la hem Unau? Zia te haw hukdawk dingin Pathian in nang leh kei ei guat ahi. Missionary nasepna la nei la lam te bang gual in la mang ta em? ki ngaitua na phat ahi. Pastor khat in a genna chun - Nikhat hi mission office ah ka chut leh papi mi genthei mama khat, anik leh puan le se dildel chuleh, kengtodap le but zolo a sandal gui chule polythin ah kikan den ahi. Pastor pa, zia ka sum hi gamthim gam a ding ah ka hun piak ahi ti tawh a sum `100/- piak ei thua mai hi. Kenle kisuangla tak in ei piak chu ka sang ngal ah. Ka lungthim in kei ei pia hileh vang, nang in la sum `100/- hi la sandal chawk na'n ala kimat ziang in AW...ti lungthim chu ka nei in ahinla, missionary nasepna ah ama a ding sang ah a ngaikhawk dan chu ka ngaitua leh thupi ka sa'n bangma ka gen ta puai ati ahi. Pathian mapuina zal in ei uh KSP ten le Mission field pani i nei un, zia te chu -

(i) Tispari ah Unau Nepali te lak ahin, Pathian zal in gingthak belap in a um zel thei hi.

(ii) KSP Mission School, K. Salem in i nei kit un, zia tak ah chun le school naupang te taksa leh thagau ah zilti ahiu in, malam a ki sawn thei zel hi.

Zia a chung ah kigen i mission field teu in malam a kisawn thei na zia chu mitin in Missionary Box, EPT leh a dangdang thawlawm i piak zal uh ahi dan hemil puai tiu. Ziaziakchun, kua'n le missionary nasepna lam hi ngaikhawk diak in i sum leh pai te gamthim a di'n i pedawk ding ahi. I sep lo zia in nisin in thagau mangthai tamtak mualliam zing ahi dan hemil puai tiu.

GENKHAWM DI :-

Chanchnpha puan hi gingtu te nasep pipen ding ahi dan..

.....xXx.....

DATE 22/SEPTEMBER/2016 (NINGANI)

Thupi : THILPIAK LEH KOCHUAM TE.

Bible : Mathai 21:12-13.

1. BIAK INN SUNG AH THILPIAK LAKKHAWM DAN.

(i) **Thilpiak pe ding te** : Biakin sung ah thawlawm a diak ah huan thai chawi ding te zosia'n kitup tak ah in apat ahun chawi ding uh ahi. Kochuam khenkhat ah record bawl ahi sek ziakin a vaima thei lam ah Biakin zawt ding ahi. Chuleh, thawlawm a sum ah pe ding tenle in lam ah piak ding zat te hawitak ah record bawl te sunawngkai lo ah zik sa piak ding ahi.

(ii) **Thilpiak lakhawm ding te** : Thawlawm lakhawm ding ah kochuam ten a guat teu chu a thei laisia a vaima thei pen ah Biak in ah a lak khawmna mun a tun ding ahi. A chutilo chun thawlawm petu ding te tungzo ta ngal ah, a lakhawm tu ding tung nailo ah um chu a kilawm puan chuleh thawlawm lat hun ding tiang ah a vaigei khawlaw thei hi.

(iii) **Thawlawm lakhawm na mun** : Thawlawm lakhawmna hin Biakin sung kikhawpna sunawpphak da ham le thilpha ahi. A diak ah Pathianni zingkal hi thilpiak lakhawm tam ni pen deu le ahia. Pathian chawihawina nawp tak ah saklai ah thilpiak lakhawmna Maicham ah buai vengvung ah um hin kikhawpna a sunawp phak chuam mama hi. Ziaziakchun, thilpiak lakhawm na mun chu kawtbul ahem ahiloleh a ninglam ah mun thawveng na deu hithei leh ana vak chuam mama hi.

(iv) **Thawlawm latna mun leh lantu ding** : Thawlawm latna mun ding chu tukum KSP Standing phasakna gual in a thei laisia Pulpit chung mat ding ahi. Kochuam Upa leh Pastor te a um nak uh chun Thawlawm lantu chu amau haw pansak ngei ngei ding ahi. Thawlawm latma thawlawm lat ding te record bawltu in hawi tak ah simtha'n tin thawlawm te a lan ding tu latna mun ding ah a kawi ding ahi. Kikhawp pel leh thawlawm sum sua ah zawk ding meeting chairman in a guat ding ahi. Aman ding zat hawle a chaw ding ten nawp zatzat ah siam ding hilo in a zuak dingtu chun a kilawm tawk ah

ah thilpha a sem nuam puau, ziaziakchun a ginnau chun umzia a nei puai ati ahi. Zia gual ah chun gingu khat in Pathian ah ginna ka nei hi timaleh Pathian ah nasep in a zuilo chun thitha te ginna tawh a kibang hi ati ahi.

3. ABRAHAM LEH RAHAB IN A GINNA'U NASEP IN A SULANG UI (Jak. 2:21-26).

Bible i taklatna'u Jakob zik hin Abraham in a chapa Isak pathian kiang ah kithawina ding ah a piak khan Pathian ah thiamchanna amu ta. Zia phat chun Pathian gualpa sak in a um ta ahi. Zia a thiamchanna chu a ginna ziak hi zawlo in a nasep ziak ahi zawl. Zia gual ma chun Nawchizuak Rahab kha le Israel te gam enthatu te ala sel gu'n, a panpi zia kin thiam a chang hi. Abraham leh Rahab te ni hi a ginna ziak uh hilo in a nasep ziak bep ua thiamchang ahiu. Ziaziakchun ginna subukimtu chu nasep na ahi zia kin thagau panglo ah taksa chu thi ziang thei ahi gual in, ginna nei ngal ah mu ding nasep na'n zuilo chu ginna thi ahi ati ahi.

Abraham in a chapa Isak Pathian a piak ngamna chu a ginna ah Pathian in a dang ei pethei kit hi ti kinepna a nei a, zia gual ah chun Rahap in Israel enthatu te le panpi leng hunkhat chu ei hukdam ding ahiu ti ginna a nei ziak ah a panpi ahi. Zia gual ah chun ei uh gingu ten le i nasep na teu hi huntawp ni leh lawman mu ding kinepna nei ah bawl zel ding ahi. Ziaziakchun, kochuam tenle i ginnau suklatna chu thilpiak ah nasep ahi dan hemil puai tiu. Ginna hing nei te chu ahinkhua ah muthei ah nasep na chuam chuam in a zui sek hi.

GENKHAWM DI :-

Ginna leh Nasep chiakhawm ding dan..

.....xXx.....

DATE 11/SEPTEMBER/2016 (PATHIANNI)

Thupi : KORNELIA TE INKUAN CHU THILPIAK AH ETTAWN DING AHIU.

Bible : Nasep te 10:1-6.

1. KORNELIA TE INKUAN CHANCHIN.

Bible i taklat nau Nasep te 10:1-6 na kimu dungzui in Kornelia te Inkuan chu Kaisaria khua cheng ahiu ah, Italian pawl ah sepai zakhat chung ah vaihawmtu sepai sap khat ahi. Ama chu Juda mi ahi pua'n, Jentel mi ahin, a sungkuan ua Pathian lau insung ahiu. Nikhat chu Kornelia kianga vansawlchak hung kilak in a kiangin Peter tawh a kimu ding thu ahung gen ah. A gen gual in Peter chu a In ua ahung in Jesu chanchin ahung gen ah. Zia phat chun a suanghaw un thagau thiangtho a chang un Baptisma le a chang ngal ui. Chutichun, amau chu jentel khristian insung kuan masapen ahung suak tau ahi.

2. A PAUCHAP NAU LEH A THILPIAK TEU VAN AH HIATZING.

Kornelia te inkuan chu Pathian kiang ah pauchap leh thilpiak ching inkuan ahi zia kun Pathian chu a chung un a kipak mama hi. Ziaziakchun, Pathian in a vansawlchak hung sawl in Kornelia kiang in la pauchapna teu leh la thilpiak te van ah hiatzing ahi tai ahun ti ahi. Van ah hetzing ti umzia chu a thilpiak teu chu Pathian in a pawm hi tina ahi pen ah. Chuleh hetzing ti umzia dang khat chu vangam a tun phat tak leh a lawman mu ding genna le ahi kit thei hi. Ziaziakchun, Kornelia te inkuan gual hin Pathian in i thilpiak te a hetzing leh a malsawm a pawimaw hi. Ei bang gual ah pauchap in thilpiak pe lehin le Pathian in ei hetpi lo chun i sepna te chu a thawn ahi thei hi. Pathian dawidan gual tak ah bangkim kipiak na chun a malsawmna dawna ahi sek ban ah Pathian kipakna le ahi.

3. KORNELIA TE INKUAN APAT ZIL DING.

(i) Sunghaw ah Pathian ngaisak leh Lalpa lau :

Kornelia te inkuan chu a sunghaw'u ah Pathian ngaisak leh lau ahidan uh mu ahi. Zia umzia chu Nu leh Pa leh chate zosia'n le Pathian a lau chiat ui tina ahi. Ei haw lak ah inkuan khenkhat chu nu leh pa ten Pathian ngaisak ma chaten ngaisaklo ti ahem, chaten Pathian ngaisak ahinla nu leh pa ten ngaisaklo ti te i hiu ahi. Chuti ding chu hilo in Kornelia te inkuan gual ahin i sungkuan un Pathian lau in ana i sem chiat ding uh ahi.

(ii) Migenthei te thilpiak ching ahlu.

Kornelia te sungkuan chun mi genthei te chu a khawtua un, ziaziaak-hun a nei alam teu itcha lo in mi genthei te kiang in a pesek uh ahi. Zia gual ah chun ei hawn le i sum leh pai teu chu Pathian min in mi genthei leh tasam te kiang in i pe ding uh ahi. Zia chu Pathian nasep pawimaw khat ahi.

(iii) Pauchap zing inkuan.

Kornelia te Inkuan chu pauchap zing mi ahlu ti Bible ahin mu ahi. Tulai pau in gen ding hitaleh, zan sin leh insung maicham siam zing sek ahlu ti ding ahi. Insung maicham siam hi gingtute a ding in thil pawimaw mama khat ahi. Zan sin ah i siam theilo tak inle a tawm pen ah kalkhat ah khatvei bek nei ding ahi. Insung maicham siam na hin insung ah Jesu lalna chansak zing na ahin Chuleh, setan naw mang na phapen le ahi. Insung maicham siam na hin inkuan ah taksa leh thagau ah kihapina leh ki ngainatna siamtu le ahi. Ziaziaakchun, insung pha chun kochuam hatna a siam hi ti hechiat in Kornelia te inkuan hi taksa leh thagau in entawn hitiu.

GENKHAWM DI :-

Sungkuan ah Lalpa nasep ha bawl ding dan..

.....XXx.....

DATE 21/SEPTEMBER/2016 (NILAINI)

Thupi : GINNA CHU NASEP PANGLO IN A THI AHI.

Bible : Jakob 2:14-26.

1. GINNA LEH NASEP A CHIA KHAWM HI (JAK. 2:14-18).

Bible chang i taklatnau Jakob zik hin Ginna leh Nasep chiakhawm ahidan chiantak in a gen ah, A gen dan chu - Ginna ngawn chun nasep panglo in kuama a hukdam thei puai. Tekhinna ding in - mikhat ngawnchang leh tasam in um henla, a kiang in, thamuang takin chia'n la, lum tak leh va takin va um ta'n ti malehin a mamaw nik leh puan leh nek ding an i piak lo leh a phatchuam na bangma a um puai. Ziaziaakchun, ginna bep, nasep neilo chu a thisa ahi ti in a gen hi. Zia tak ah Jakob in a gennawp chu gingtu khat i hi chun i ginna suklatna ding ah chun Pathian nasep chuam chuam in a zui ding ahi. A zui thei lo chun ginna bep chun hukdam thei puan ah, a ginna chu a thisa (ahinglo leh a tawi theilo genna) ahi. Chuleh mikhat sunga ginna leh nasep chu khenchuam thei ei puai, ginna a um leh nasep chu a zuitu ahi ziang hi ti in a gen hi.

2. THITHA TE GINNA (JAK. 2:19).

Thitha ten le Pathian chu Pakhat ahidan Juda te ginchat gual ah a ginchat ban ua lau ah a kithing sek ui ti in a gen ah. Zia bep chu hilo in Jesu chu Pathian chapa ahidan chu a hechian mama'u ah. Zia hettheina chu Jesu khawvel ah a lenlai ah khan hun khat chu thitha vawp mikhat tawh lampi in a kituak un, Jesu kiangin "Pathian chapa la hi ti ka hun hia'i, huntawp nileh ei sumang thai tu ding la hi tile ka hia'i" ti in a gen hi. Ziaziaakchun, Thitha tenle Pathian thu haw hi ahechian mama'u, a ziaak chu amau haw suantu Lusifer le Pathian siamsa ahi ziaakin. Ama leh a pawlte chu Pathian dona ziaakin van apat paithak ah um ahi tau ahi (Isai 14:12-15). Zia tak ah Jakob in a gennawp chu Thitha tenle Pathian thu a he mama'u ah, ahinla Pathian dawi gual

(ii) **Sawm ah khat** : Sawm ah khat chu Israel ten Pathian chanvo ahi ziak ah mi zosia'n a piak sek uh ahi.

(iii) **Thawlawm thilpiak te** : Zia tak ah thawlawm thilpiak te a gen hi Pathian min ah thawlawm chuam chuam a piak khawm teu a genna ahi.

(iv) **La kitiamnau leh la ngamtawk thilpiak teu** : Mimal in thawlawm chuam chuam Pathian piak ding ah a kitiam teu leh ngamtawk ah piak ding amau in a kigen teu a genna ahi. Tulai ah ei unle Ginna Thutiam ah i kitiam nau gual hi ahi.

(v) **Gangual te** : pathian a ding ah a ganca piak teu leh a bik tak ah a ganca lak ua a piang masapen a piak teu a genna ahi. Zia a chung ah ki gen thawlawm zosia chu Pathian in Temple ah chun hun chawikhawm siksek un ti in thu a pia ahi.

3. TULAI KOCHUAM TEN LE THAWLAWM CHU DIKTAK IN I PE DING AHI.

Thuthunglui hun lai ah Juda ten Kut amat ni'u leh hun dang ah Pathian a hou nau zosia'u inle khut ngawn in a kilang ngai puau, a ziak chu Pathian in keima ei hou ding ah khut ngawn ah la hung kilat lo di'u ahi ati ziak ahi. A ganca teu leh a huan ua thai pawt chuam chuam te tawh pathian ma ang in a kilang sek un, tichun Pathian in a malsawm sek ahi. Zia gual ah chun ei uh tulai kochuam tele Pathian i hou nau hin a thei lai sia khutngawn ah kilat lo ding ahi dan te, Pathian ma'ang ah thawlawm piak ding Ginna Thutiam i kitiamna teu suk piting ding ahi dan leh Pathian houna thilpiak tawh bawl khawm ding i hi dan ei kawkmu ahi.

GENKHAWM DI :-

Pathian pawm tak ah kithawi ding dan..

.....XX.....

DATE 12/SEPTEMBER/2016 (SEPPATNI)

Thupi : JESU LEH GINGTU MASATE LEH SAWLCHAK PAUL TEN LE THILPIAK A NGAISANG UI.

Bible : Luka 6:38; Nasep te 20:34-35; 2Kor. 8:1-15.

1. JESU'N THAWLAWM LEH MIDANG THILPIAK A NGAISANG HI.

Jesu hinkhua hin gingtute i zui ding un bangkim hi a bukim suak hi. Ziaziakchun, Pathian kianga thilpiak leh mi tasam te a panpi dan zia a nuai ah gual hin vak en hitiu.

(i) **Pia'u in, piak in um inla'u ati ahi** (Luka 6:38).

Bible chang i taklatnau in a gennawp pen chu bangkim chu Pathian pelevu chin, aman le hun malsawm kit ding ahi atina ahi.

(ii) **Temple ah Sia kidawl le a pia ahi** (Mt. 17:24-27).

Hun khat chu Kapernaum kua Temple ah Sia dawl te chun Thawlawm ahun dawl tau ah, ziaphat chun, Jesu'n Peter a ko in Dil ah sanga man ding in a sawl ah, sanga la mat penpen sung chun pani um intin, zia chu hung chawi inla, Temple sum dawl te kha la piak ding ahi atia. Jesu gen gual in Peter chu Dil ah a va chia leh Jesu gen gual ah chun sanga kam apat dangka pani ahun mu tai. Zia dangka pani chu Sia dawl te kiang in a pe ta ahi. Hun dang khat inle Jesu'n Juda te kiangin Kaisar thil te chu Kaisar pia'u inla, Pathian thil te chu Pathian pe tau in ti'n a gen hi.

(iii) **Mipi sang nga leh sangli a vak na** (Mathai 14:13-21; 15:32-38).

A thugen ngaiitha thalek mun ah hung khawm mipi sang nga leh sangli te nek ding vaithum leh sanga a piak hin midang a hepina leh a khawtuana a sulang mama hi.

(iv) **Mipite dawn ding Uaiin a supung hi** (Johan 2:1-10).

Jesu chu a nungzui te tawh Kana kua molopna a va panna chun dawn ding ah Uaiin a hawm uh chu mipi a tam bekset ziak ah chun ahung

kiting ta pua. Zia phat a chun Jesu nu Mari chun Jesu kiang in ava gen leh Jesu'n Tuibel paguk um te ah chun tui a sun dim sak in, Uaiin a suaksak in, chutichun mipite lak in a hawm kit tau ahi.

2. GINGTU MASATE, SAWLCHAK PAUL LEH MAKEDONIA KOCHUAM TEN LE THILPIAK A NGAISANG UI.

(i) **Gingtu masate chu thilpiak ching ahiu** (Nas. 2:45; 4:35).

Jesu thinung ah Jerusalem ah kochuam dindaw ahi phat ah chun gingtu te chu munkhat ah kikhawm in pawlkhat in a um un, a nei alam zosia'u le a kikawp khawm vek ui. Amau haw lak ah a tasam leh a mamaw te chu a kipanpi tua sek uh ahi. Zia umzia chu mi genthei diak leh vangsiatna tuak te chu sum leh pai leh thil dangdang in a ki panpi tua sek ui tina ahi.

(ii) **Sawlchak Paul in thilpiak a ngaisang hi** (Nas. 20:34-35).

Sawlchak Paul chu khut nasep puanbuk siam ah nek hawl ahin, In mun ah a puanbuk siamna chun Pathian thu midang tawh holim in hun a mang sek hi. A puanbuk siam te chu a zuak sek in zia sum amu te chu ama kivakna bep hilo in midang a lawite taksap hun inle a panpi in, chuleh mi genthei te panpi na'n le a mang sek ahi.

(iii) **Makedonia kochuam te chu thilpiak ching ahiu** (2Kor. 8:1-15).

Makedonia kochuam chu Akaia gamsung ah um ahin, thilpiak lam ah kipezo mama kochuam ahiu. Jerusalem ah Kial a tun inle kochuam te sum kidawlkhawm in thilpiak tamtak kochuam ah kial thuak te panpina in a thawt uh ahi. Zia a nasep uh chu sawlchak Paul in Korinth kochuam ten thilpiak lam ah ettawn in nei leu ti chu a dawisak mama na thu a gen hi. Sawlchak Paul in Makedonia kochuam te thil piak dan leh thilpiak a luldin a gen dan chu a nuai ah gual hi ahi.

(a) Kiphal tak in a nei dungzui chiat un a pekhawm uh ahi.

(b) Hepina nei tak in ape chiat uh ahi.

(c) Midang taksap hun ah i panpi chu eima le i taksap hun ah Pathian in ei panpi tu ding ei pe sek hi.

(d) Khawvel ahin ala khawm tam tenle a val anei diak puan, a la khawm tawm le a ta sam diak puai, ziaziaichun mi haksatna la panpi ziaak ah

DATE 20/SEPTEMBER/2016 (SEPKITNI)

Thupi : THUTHUNGLUI HUN AH JUDA TE THILPIAK CHUNGCHANG

Bible : Deut. 12:6.

1. KUT CHUAM CHUAM A MAT NAU AH.

Juda te hin thasin leh kumsin in Kut chuam chuam amang sek un, zia te chu a nuai ah te hi ahi.

(i) Chia kan Kut,

(ii) Thawi panglo Kut,

(iii) Pentecost Kut leh

(iv) Bawkcha Kut.

Zia a chung ah kut ki gente hi a saltang mau ah a mat sek uh tangpi te ahin, a saltang nung ua amat uh kut te chu - Pengkul kut, tatna ni kut, kipumpiak kut leh purim kut te ahi. Zia tak ah kut kigen Juda te mat zosia te hi Pathian malsawmna a dawn ziaak ua kipakthu genna te, Pathian nasep thupi tak hiatzing na te, Pathian thu kiziltil nate leh a dang dang ahi. Zia a hun mat nau tamzaw ahin Lou ah a thaiga masapen te, a gancha piang masapen leh thil dang dang chu Temple ah chun a latkhawm sek uh ahi. Zia tak ah Kut chuam chuam a mat nau ah a thil lat teu chu Number bung 28-29 na kimtak in zik ahi. Zia kut kigen te khel ahin, Sabath ni leh thasin ah gancha chuam chuam ah kithawina thilpiak a bawl zing uh ahi.

2. BIBLE CHANG TAKLATNA DEUT. 12:6 NA THILPIAK CHUAMCHUAM GENNA.

(i) **Halmang thillat.**

Halmang thillat chu Israel te kithawina lak ah pakhat ahin, temple ah Pathian maicham ma ang ah haltum kei ah gitlo ngaidam dawtna kithawina ahi. Zia kithawina mat ding gancha te chu Bawng, Belam, Kel te ahin zia ah kimang ta phawt chu bangkim ah demna nei ahilo ding ahi.

- (ii) **M&E Fund** : Synod in Sekmai in Mission Field a kinei in, zia tak ah mat ding ah chun tukum 2016 in ` . 45,000/- ei phut un, i pe thei tau ahi.
- (iii) **T.E.C Fund** : Manipur Synod in Bible zilna (C.Th) a kinei in, zia tak ah mat ding ah chun sum tuakkhawm sek ahin, tukum 2016 in ei uh kochuam in ` . 40,000/- ei phut un i pe thei tau ahi.
- (iv) **Assembly Day of Prayer Thawlawm** : Kum sin leh Pentecost ni hi Assembly (PCI) a ding ah pauchapna ni matsak ahin, zia ni thawlawm lakkhawm te chu Synod ah piak sek ahi.
- (v) **NEICC Thawlawm** : North East pumpi Christian kizawm khawm te a ding ah kumsin ah thawlawm dawl ahin, Synod ah piak sek ahi.
- (vi) **B.S.I Thawlawm leh a dangdang** : Bible Society of India ten Bible sukna lam ah pan alaknau ah mat dinga Thawlawm kumsin ah dawl sek ahin, Synod ah piak zel ahi. Zia te khel ahin thawlawm khenkhat Synod apat Emergency ah dawl le a um sek in zia te chu Kochuam ah kidawl in Synod ah piak zel ahi.

3. BULLAM NGAIKHAWK MIMAL LEH KOCHUAM I HI DING UH AHI.

Ei uh sung ah thawlawm lakkhawm te leh Synod lam ah i piak dan teu tangpi te i sulang tau ah, i kochuam uh KSP bullam leh Synod lam chia zel thei na chu i leng ua pan lakna zal ahi dan hezing hitu. Ziakiakchun, maban ah le bullam ngaikhawk mimal leh kochuam i hi chiat ding uh chu thil pawimaw mama hi. Kochuam ah sum leh pai i thaw zia ah bullam hing thei zing ahidan hemil lo in pan la zel hitu.

GENKHAWM DI :-

Bullam ngaikhawk zolo te ngaikhawk ding dan..

.....XX.....

tasam ziang di'n kigingcha kin ti'n a gen hi. Chutichu ahi ziakin gingu masa zosia'n le thilpiak hi a ngaisang chiat ui ti chu mu thei ahi ziakin ei unle mimal leh kochuam in Pathian lam leh midang panpina in hapan chiat hitu.

GENKHAWM DI :

Phal tak ah i nei dungzui ah piak ding dan..

.....XX.....

DATE 13/SEPTEMBER/2016 (SEPKITNI)

Thupi : ABRAHAM LEH ZEPHTA IN A CHA NEISUN NA TIANG UH PATHIAN A PE NGAM UI.

Bible : Gen. 22:1-14; Vaihawm te 11:29-40.

1. ABRAHAM IN A CHAPA NEISUN ISAK PATHIAN A PIAI (Gen. 22:1-14).

Abraham chu Israel chate a ding ah sakhaw puitu masa ahi. Apa min ahileh Tera ahin, a zi min chu Sarah ahi. Pathian in ginglotu te lak ah a chenna Ur khua apat Kanaan gam zuan dingin a ko daw ahi. Pathian in van ah aksi zat leh lei ah piaunel zat in la suan te supung ding ka hi ti maleh a zi a chin ziakin cha anei vak puau ah. A nupan ua kum upa tak in chapa Isak ahung pia ahi.

Hun hung chia zel in nikhat chu Pathian in Abraham chu a ginna ahung patep tan, a kiangin la chapa neisun Isak kha halmang thillat ah Moriah Tang ah lei hun piak ding ahi ati ta ahi. Abraham inle Pathian thupiak gual in a chapa Isak leh a suak pani te tawh Moriah Tang in a chia tau hi. Lampi ah chun a chapa Isak in apa a dawng ah, "Hepa..! Thing a um in, ahinla kithawina ding belam khawi ah um ahem?" ti ah a dawtna te chun Abraham lungthim chu a nawplo sak mama hi. A kithawina mun ding uh a tung un, Maicham thing haw a siam zaw phat in Abraham in a chapa Isak chu chem ah dawtlup ah halmang thillat ah mat ding a gaw ta. Zia laitak ah chun Pathian in Abraham chu ahun ko ah, "Abraham...! la chapa hial le itcha lo ah lei piak ngam ziakin ka kipak hi. La cha kha bangma law kin, ama thasang dingin la nunglam ah

Belam kha mangin".. ahun tia. Abraham chule a kipak mama in Belam a chun kithawina chu a bawl ta ahi. Abraham in a cha neisun le itcha lo hial ah Pathian a piak ngam na hi **GINNA PA** ti ah a um na ahi. Tulai ah ei uh gingtu tenle i nei i lam, i hinna i taksa leh icha leh nau tiang Pathian a din pe ngam leu hin Pathian malsawm na simsenlo ki dawng ngei ding ahi.

2. JEPHTAH IN A CHANU NEISUN PATHIAN A PIAI (Vaih. 14:29-40).

Jepthah chu Gilead mi ahin, nawchizuak nu chapa ahin, mihat leh gal hangsan ahi. A insung miten a mu nuam puau in, zia phat chun amale Tob gam in a va khawsa ta ahi. Hun hung chia zel in Israel te chu Ammon ten ahung dou tau ah, zia phat chun Gilead ah upa te chu Jepthah kiang in a va chia'u in, a hotu ding ua hung pang ding leh Ammon te hun dopi ding in a va chial ui. A chialnau chu aman le ngaikhaw in Ammon te do ding in ahung kipan ta ahi.

Ammon te do ding ah a gal kuan ma chun Jepthah chu Mizpah mun ah chun a pauchap ah, Lalpa ka melma Ammon te lei zaw sak ahi chun, Inlam ah ka hun kilekit phat leh ka in mai ah eila lamtua masapen chu halmang thillat ah hun piang ka ti'n a kitiam ta ahi. Tichun gal ava dou ta, Pathian in a melma Ammon te chu ava zosak ta ahi. Galzo ah inlam ahung kilekit leh a chanu neisun chun apa chu khuang tawh laam kawm in ala lamtua ta ahi. Apa Jeptha lungthim chu ana mama ah, a ziak chu Pathian ah thutep ala nei tak ziak ah chun ahi. Pathian ah ala kitiam gual ngei in a chanu utna le hitho in, Jepthah chun a chanu neisun chu halmang thillat in Pathian a din a mang ta ahi.

Jepthah chanchin hin Pathian ah i kitiam na te suk pitin ding ahi dan te ei kawmu ah. Chuleh Pathian apat gil ah ga malsawmna i dawn te hawle ama a ding ahi chun a thi ding tiang ah piakdaw ngam ding ahi dan ei ziltiil ahi. Ziaziakchun, ei uh kochuam ten le Abraham leh Jepthah in a chate'u hial le Pathian a ding ah a piak ngam na'u hi ettawn in nei hitiu.

GENKHAWM DI :-

Pathian chu bangkim piak ngam ding ahi dan.

(iii) Missionary thawlawn-

I Kochuam hin Missionary lam nasepna chu mission & Evangelism Committee ten a mawpuau in kochuam tin apat in Missionary Box, E,P,T, Ginna Thutiam leh a dang dang chu piakkhawm in a um hi. Zia tak ah sum kimu te chun i mission field uh Tispari leh K.Salem ah i school uh ettkawl leh semtute law piak ahi.

(iv) Relief & Development Thawlawn-

Kochuam tin ah thakhat ah Pathian ni khatvei chu R&D lam a ding ah bullam ah piakkhawm ahin, chuleh kumkhat ah Insuan tin ah ` . 50/- chiat ah dawlkhawm ahi. R&D nasepna lam chu R&D Committee ten a mawpuau in, Kochuam sung ah vangsiatna tuak te kipanpi tuana ah sum chu mat sek ahi.

(v) Nibik Thawlawn leh a dangdang-

Kochuam ah nibik thawlawn - Christmas leh Kumthak, Good Friday leh Easter Sunday, Beigual Thawlawn leh thawlawn khenkhat chu bullam ah lakkhawm ahi.

2. SYNOD LAM AH THAWLAWM PIAK TE.

I Kochuam uh Presbytery bullam Manipur Synod chu Presbytery chuamchuam Tuithaphai Presbytery, Khuga Sadar Presbytery leh Eastern Manipur Presbytery ten sum leh pai i tuak khawm na zal ua chia zel thei ahi. Ziaziakachun, kumsin in Synod lam in thawlawn chuam chuam ei phut teu chu piak zel ahi. Zia a nuai ah te hi thawlawn i piak sek teu chu ahi.

(i) Central Fund : Synod in semtute law ding leh a pawimaw nau ah a mat ding un ei uh Kochuam ah kumsin in Central Fund ei phut sek un, tukum 2016 in ` . 16,900/- ei phut un i pethei tau ahi.

DATE 19/SEPTEMBER/2016 (SEPPATNI)

**Thupi : THULAI TAK AH KSP SUNG LEH SYNOD LAM
AH THAWLAWM PIAK TE.**

Bible : Sam 133:1-3.

1. I KOCHUAM K.S.P SUNG AH THAWLAWM PIAK DAN.

(i) Dakbawm(Envelope) ah piak dan -

Tulai tak ah i kochuam sung ua thawlawm piakdan chu 2015 apat ila mat uh Dakbawm ah Inkuan in mimal min zik ah piak hi a ki chiapi zing ah. Dakbawm chung in Pathian gam leh Tualsung a ding ah i piak zat zikna ding a um ah. Zia i thilpiak teu chu Kochuam Upa ten amau Bial ah dawl khawm sek in ahiloleh kochuam ten biakin ah chawikhawm in Local ten zia te chu Pathian gam chu bullam in ahun pelut un, tualsung a ding ahun piakzat uh chu kochuam ki etkawl na ding ah kawi in a um hi. Zia thawlawm kipete chu sawm ah khat apat hawp gual ahin, Pathian gam a ding chu tamzaw ding ah duthusam ahi gual in mi tamzaw ten a tamzaw a pe zing ui. Khenkhat vang in sawm ah khat diktak ah Pathian gam a ding ah a piak zaw nung ua pakua(9) te apat tualsung a ding ape sek ui. Sawm ah khat apat tualsung a ding vak khen chu Pathian ma ki thiam mawna nei ah a kigel zia uh ahi. Zia te chu ettawn tak mama te ahui in, kithiam maw pumpum ah thawlawm piak chu a phalo ahi.

(ii) Anchangham-

Kochuam tin ah Nupi ten Nisin ah Jesu annek huan kep na anchang ham a kawi sek uh hi bullam ah sum muna pawimaw tak ahi zing hi. Zia hung kipatna chu Mizoram ah Pathian thu hung lut lai ah Sap Missionary te tawh kithua ah kochuam kitodel na ding ala pat uh ahia, ei gam tiang in zia chu i zui to uh ahi.

DATE 14/SEPTEMBER/2016 (NILAINI)

**Thupi : INKUAN MIMAL KIM AH PATHIAN THILPIAK
BAWL DING AHI.**

Bible : Gen. 6:18; Joshua 24:15 leh Job 1:1-6.

1. INKUAN AH LALPA NASEP PAWIMAWNA.

(i) Noah leh a Inkuan te (Gen. 6:18).

Noah hunlai ah chun khawvel ah mihing te chu siat na'n a dim un, ziaziakchun Pathian in mihing te chu lei chung apat suk mangthai a gaw ta. Khawvel ah mihing zosia Pathian mitmu ah gitlona dimziang maleu Noah chu Pathian mit tung in a um hi. Pathian in migilo te tawh ama lau Noah te inkuan chu suk mangthai khawm a nuam pua, a kiang in, khawvel ahin tuilet sak ding ka hi, nangleh la inkuan te ki hukhinna ding in Lawng siam inla, zia chu la sunghaw'u ah la lut di'u ahi ati ahi. Pathian thupiak gual ah chun Noah chun Lawng a siam in, Pathian in migilo te gawtna ding in tui ahung letsak ngal ta, ahinla Noah te sunghaw azi leh a chate leh azi teu tawh mi pagiat(8) chu hukhin in a um tau ahi. Noah te inkuan chanchin apat a chun sungkuan ah Pathian in ei hukhin eitup ahi zia ah ama na sep chiat a pawimaw dan ei zilti ahi.

(ii) Joshua leh a inkuan te (Joshua 24:15).

Joshua chu Israel te mapuitu Mosia thasang tu ahin, ama chun Israel chu Pathian thupiak gual in Aigupta apat Kanaan gam in a puilut hi. Hun ahung chia zel ah Joshua chu kum upa tak ahi nung in Shekem khua chun Israel gamsung ah puitu zosia chu nikhat chu a ko khawm in a kiang un - Pathian khut hattak puihuaina zia kin la melma teu zo zel in la sep gim lonau khawpi ah cheng in leh bu leh bal nek senlo la nei tau ah. Ziaziakchun ahun puitu Pathian chu lau dan thiam tau un. Ahin, Lalpa na hi phalo ah la hiat uh chun luigal ah la pu leh pa te pathian na kha ahem la sep ding uh tuni hin tel mai ta un. "Kei leh ka inkuan ten vang Lalpa na bel sem 'ing ka'u" ti'n a gen hi.

A chanchin i taklat uh Joshua chanchin apat ah chun tulai ah gingtu zosia'n le sungkuan ah Lalpa nasep a pawimaw dan mu in a um hi.

(iii) Job leh a inkuan te (Job. 1:1-6).

Job chu Uz gam ah mi hau mama khat ahin, ama chu demna bei leh mit dittat, Pathian lau leh thil phalo him him bawl ngailo mi ahi. Ama chun chapa pasagi(7) leh chanu pathum(3) a nei hi. A chate chu a kiho thei mama un, ziaziakchun a chapa te in a chun annekkhawmna a nei khawm sek uh ahi. Annekkhawmna a neizaw sin uh leh a pau Job chu a cha ten Pathian mitmu ah thil phalo bawl khan'u ti in alau mama sek ah. Ziaziakchun zingkal matak ah tho in, a chate zosia chu a kokhawm sek in, Pathian ma Maicham ma ang a chun a mimal kim ua kithawina chu a bawl pi sek in a suthiang tho sek hi. Job chanchin i taklat nau apat chun inkuan ah Lalpa lau ah khawsak a pawimaw dan ei ziltit ahi.

2. INKUAN AH MIMAL KIM AH PATHIAN THILPIAK BAWL DING AHI.

A chung ah mi thiangtho masa Noah, Joshua leh Job chanchin te apat chun Inkuan ah Lalpa nasep ding ahi dan mu thei ahia. Zia ding ah chun Inkuan ah mimal kim in pawimawna a kinei chiat hi ti hiatthei ahi. Bible ah khristian masate haw khale a sunghaw'u in Pathian alau ui ti in zik in a um hi. Ziaziakchun, Pathian na sepna a diak ah Pathian lam ah thawlawm thilpiak chuam chuam piakna hin inkuan ah mimal kim in i pe sek ding uh ahi. Nu leh Pa ten le chate, Mou te leh Insung mi dang te a ding Lalpa nasepna asepa kawp piak thei puau. Ziagualma chun chaten le nu leh pa leh insungmi a dang te a ding a sep kawp piak thei diak lo uh ahi. Vangam ah le mimal tin in eima sepga chiat pathian ma ang ah i luak ding uh ahi ngal ah. Zia zia- chun inkuan ah mimal kim ah Pathian ah thilpiak bawl chu Lalpa ei dawidan ahiziakin bawl chiat di'n kisingsai tiu.

GENKHAWM DI :-

Pathian nasepna kasep piak thei ahilo dan..

.....XX.....

Kochuam ten khawmpi na guat bik ah a um nau ah sep theina phalna nam- detna a kinei in, zia chu malai ah thiampute Pathian sathau nu gual ah khan ngai ahi. Malai ah thiampu te gual ah khan thawlawm sum sawm ah khat leh a dang dang te chu nek sak ahiu in, kochuam ah chun na a sem ui. Amau nasep pi pen chu thagau ah mipite kaihuai leh mi zosia'n a bawl theilo Bap- tisma leh Sacrament hawm te ahi. Kochuam ah chun amau chu a luchang pen ahiu. A nasep nau zosia ah chun a seppi ding ua guat ah um kochuam upa leh tual upa te tawh a semkhawm uh ahi.

3. KOCHUAM TEN PASTOR TE PANPI DING AHI.

Pastor te chu Kochuam nasep ding ah kipedawk ahi dungzui ua a nasep nau zosia ah chun kochuam puitu te leh member ten i panpi ding uh ahi. I panpi ding dan uh chu chawlo ah a septheina ding ua thawlawm hawitak ah piak zel ding leh taksa leh thagau ah a basap lona di'u ah pauchapna hiazing ding ahi. Amau inle theitawp in sem in tiu in, ei unle theit- awp in, amau i tawsawt ding uh ahi. Amau le mihing ahi tho zia un a titlona gam uh um tho in ah, ziaziakchun gal ah gensiat leh demsiat sang ah amau kiang ah hawitak ah gen ding zawk ahi. Amau in a sep nau ah a sepkhial nau a um chun a maw kipuak in tiu in, eimau kochuam ten i hi ding dawl chu i hi zel ding uh ahi. Kochuam nasep te leh Pastor te khawtua leh panpi chu Pathian chung ah bawl hi dan hiatmil lo ding ahi.

GENKHAWM DI :-

Thiampu te chan ding dawl mipi'n chanlo ding ahi dan..

.....XX.....

DATE 18/SEPTEMBER/2016 (PATHIANNI)

**Thupi : THILPIAK NETU THIAMPU TE CHUNG
CHANG**

Bible : Num. 18:21-31; Deut.18:1-5.

**1. THUTHUNGLUI AH THIAMPU TE CHU IN LEH LO NEILO AH PATHIAN NASEM TE
AHIU (Num. 18:21-31, Deut. 18:1-5).**

Bible ah kimu gual in thuthunglui lai ah thiampu te chu Levi nam te ahiu ah. Amau haw chu mipi leh Pathian kal ah palai ahi ziakua a nasep uh chu Jerusalem Temple ah mipi kithawina thillat te buaipi ding leh Israel te Pathian thupiak dungzui ah pui huai ti te ahi pen hi. Amau haw chu Jerusalem Temple ah chun a um un, a damsung ua temple ah nasem ding ah Pathian in a guat ahi zia kin In leh Lou a nei puau. Israel mipi te sawm ah khat zosia leh Thai leh gancha thawlawm ah a piak teu haw chu amau haw nek ahi. Israel ten Kanaan gam a lut ua nam 12 te gam a kihawp lai a khan le Levi chi te chu thiampu nam ahi ziak ua gam le piak ah umlo ahiu. Amau haw le a pawl pawl in a kikhen un, Temple ah lasa pawl, Temple ngak pawl, Tuanvai pawl, mipi kithawina te pathian ma lan ding pawl leh a dang dang ahi. Abang hileh amau haw chu mipi ten a ngaisang mama te ahiu in, Pathian sathau nu bik ah ngai ahiu.

2. MALAI AH THIAMPU TE KHA TULAI AH PASTOR TE AHIU.

Malai ah thiampu te chu Pathian leh mipi kal ah Palai ahiu in tulai ah Pastor te haw hi malai ah thiampu te gual ah kaw leh ngai ahiu. malai in vang thiampu chi chu Levi nam bep ahiu in, tulai ah Pastor ding vang nam tel a um chuam puai. Pathian kona chang ah Pathian nasem ding ah hung kipedawk ah Bible ah training hung nei zo ta phawt chu pansak ahi mai hi.

DATE 15/SEPTEMBER/2016 (NINGANI)

**Thupi : LENG DAVID IN AMA KISENNA PANGLO IN
MAICHAM A SIAM NUAM PUAL.**

Bible : 2Sam. 24:18-25.

1. LENG DAVID MAICHAM SIAM NA ZIAK.

David chu Leng lopi tak ahinung in setan in a lungthim in thu ahun gen tan. A gam sung ah sepai leh mipi bangzat a nei mawngmawng em ti hiatnawp na a nei tak zia kin a sepai hotu pen Joab chu mi sim di'n a sawl ta ahi. A hetnawp na zia kin chu lopi leh thupi a kisak tak zia kin hi ding ahin, zia a lunggel leh a thilbawl chu Pathian zakda lam tak ahi. A gam ah mipi tam dan a sim zia kin ah chun Pathian in gawtna pathum(3) A telsak in, zia a nuai ah te hi ahi.

(i) A gam ah kial kum 3 a tun ding..

(ii) A galte ma ang ah tha 3 sung a taimang ding.

(iii) A gam sung ah natpi ni 3 sung len ding.

David inle telchuam ding he lo in Pathian kiang in a puklut ta mai hi. Pathian in a gam sung ah chun natpi chu a lensak pan ta, nikhat sung in singsagi(70,000) a thi ngal pan tau. Zia phat chun David in mipi thawk chu enzo mama lo in Pathian kiang in a pauchap in mipi sangin keima a sukhial tu hi ei gawt in a ti ta ahi. Zia phat chun zawlnei Gad chun Pathian kianga maicham la siam ngai ding ahi ati ta. Tichun, David inle Pathian kiangah a sukhial na zia kin chun maicham siam a gua'n, Arauna buphual mun chu a dawn ta ahi. Arauna chun phal tak in a thawn in David chu a lou mun chu ape dawk ah, ahinla David chu a nuamlo ahi. David in Arauna kiang in - "Keima kisen na lo in ka Pathian kiangin Maicham siam lo hial ding ka hi, la lou man chu ka piak ngei ngei ding ahi" ati ta ahi. Tichun Arauna buphual man leh bawngchal te zosia kigawm in David chun shekel sawmnga(50) in a chaw'n, Maicham chu a siam ta ahi. Tichun Pathian in a Maicham siam chu a pawm in a gam ah natpi leng chu abei ta ahi. Ama kisen na ngei ah maicham a siam chu Pathian in a malsawm ahi.

2. AMA KISENNA MAICHAM SIAM A NAWP ZIAK.

(i) Pathian chu malsawm tu ahi ahet ziak.

Pathian chu ama hinkhua malsawmtu ahi dungzui ah hanse law theitu ahi a hiat ziak ah ama apat malsawmna a dawn te apat Pathian ho ngei a nawp ziak ahi. Chuleh midang thilpiak sa ama gitlona kithawi ding chu Pathian inle pawm ding ah a ginchak lo ziak le ahi. Ama gitlo ziak ah mipi sing sagi thita, tu ah Pathian kianga ngaidam dawtna dinga kithawina mi neisa va mat ding chu thil zachat um tak ah a ngai in ama neisa apat Pathian ho a nawp ahi.

(ii) Midang in a kisanpi di a nawplo ziak.

Midang in a kithawina a kisanpi ding a utlo ziak le ahi kit hi. Midang te neisa mang ah kithawi ta leh hun khat chu ka piaksa leh ka panpi sa hung ti thei ahiu ti kha a hiat ziak ah ama neisa leh chawksa ngei ah Pathian kianga Maicham siam a nawp ahi. Zia te haw ngaidan chu a nei ziak ah David in ama kisenma leh ama hekna ngei ah Pathian ho a nawp ahi.

2. TULAI KOCHUAM AH EIMA LEH KOCHUAM TE KISENNA.

(i) Biakin sakna kisenma (Exo. 35:20-29).

Bible chang i taklat nau Exodus zik ah chun Israel ten a Pathian hona ding uh Biak buk a saknau ah a nei alam teu phal tak ah atuak khawm dan uh mu ahi. Zia a thilbawl uh chu tulai ah ei uh Biakin salai tenle ettawn ding a pha mama hi. Kochuam khenkhat in amau kisenma pang talaw lo ah midang panpina leh Govt. lam tiang ah panpina a hawl ziang sek uh hi Pathian dawidan ah Biakin sak dan hi din ginchat a um puai. Midang panpina bep thil ah um ding ei puan, eima biakin chu a thei lai sia eima hatna sak ding ahi. Eima'n i sak lo chun a sung ah kikhawp le i thagau a lim tak tak thei lo ban ah thagau le cheng lo thei ahi. Diktak leh fel tak ah sum thiangtho ah i sak chu a lul mama hi. America ten Biakin sakna ding ah midang a panpi ngai puau, Biakin chu a kikhawm ding ten a khut ngei ua a kisak ding uh ahi atiu chu a dik mama hi. Eima chenna In ding hawitak kisa zo ah, i Pathian chenna ding Biakin hawitak kisa zolo ah, midang panpina ngaina zing ah um i hi chun Biakin i ngaikhawkna tawm deu a diam ti thei ahi. David in -

ah mi zosia aneu alian te chu Pathian chanvo sawm ah khat leh thawlawm chuam chuam pe ding ahi dan mu ahi. Gingu khat Pathian ah hat kisa mama, ahinla Pathian chanvo sawm ah khat leh Pathian ah thawlawm piak ding ngai thupi lo puitu le a um thei tho hi. Puitu chun vang a tam atawm thukhat hitaleh Pathian chanvo sawm ah khat vang a pe ngei ngei ding ahi. Kochuam dang vang i gen pha puai, Presbyterian sung ah Pastor, Kochuam Upa leh Puitu khat hingal ah Pathian chanvo sawm ah khat pelo ti chu vang thil hi theilo ahi. Presbyterian sung ah puitu a diak ah kochuam upa te chu sawm ah khat a pe ding sa ah ngai ahiu. Danbu ah kigen zui ding zosia hi zui ding ah Ordination chang thei ahiu. Ziakiakchun, Sawm ah khat piak leh Thawlawm dang piak chu Puitu te leh gingu zosia a dinga bawl ding him ah i Danbu unle ei zilttil ahi. Ziakiakchun mi zosia'n Pathian thawlawm chu thanuam tak in i piak zel ding uh ahi.

3. BIBLE CHANG TAKLATNA (Sam 121:1-8).

Zia Bible chang hin a panpitu ding hawl in tang lam a te amit ate to in, a panpi tu ding mihing hung pawt ding ah a ginchat lai in lei leh van siampa Pathian apat ahung pawt zawk dan a gen ah. Chuleh, Pathian chu mihing hinkhua pumpi ei vengtu taksa leh thagau ah ahi dan a gen hi. Ziakiakchun, Kochuam ten le khawvel lam panpina hawl zaw lo ah Pathian lam ah panpina hawl zawk ding dan ei zilttil ah. Ama lam ah panpina hawl te chu taksa leh thagau in tamtak in a malsawm sek hi.

GENKHAWM DI :-

Kochuam Thugin leh chia dan te hi ngaikhawk diak ding dan..

.....XXx.....

DATE 17/SEPTEMBER/2016 (KIGINNI)

**Thupi : PRESBYTERIAN DAN BU AH THILPIAK
CHUNG CHANG KIGEN DAN.**

Bible : Sam 121:1-8.

Kochuam ten i zui ding leh i kingakna pen ah lekhabu i nei uh India gam Presbyterian Kochuam Dan Bu kisiam in Kochuam ten Pathian thilpiak a pawimaw dan chiantak in gen in aum hi. Zia Dan kisiam te chu India gam sung ah Presbyterian kochuam zosia'n a zui ding ua kochuam bulpi lam in ahun siam uh ahi. Zia te chu tuni hin enkhawm ding i hui.

1. KOCHUAM THUGIN PAKUA(IX) NA, LINE 5NA (Dan bu pek 10 na).

Pathian malsawmna a dawn gual tak ua kipak tak ah piak kit te :

A chung ah kitaklang ta gual ahin kochuam thugin pakua na, line 5 na ah chun Kochuam ten pathian malsawmna dawn dungzui tak ah kipak tak ah Pathian piak kit ding ahi ti ah zik ahi. Zia chu kua hitaleh gingtu zosia'n ahi ngei ngei ding ah Dan bu chun a gen ahi. Zia tak ah kigen Pathian malsawmna a dawn gual tak ah, ati umzia chu (i) sum leh pai i muna chuam chuam te, (ii) Huan leh Thai leh khut nasep chuam chuam apat te leh (iii) Gancha vakna leh lampi chuamchuam ah malsawmna dawn te.

Zia a chung ah malsawmna i dawn nau lampi chuamchuam te apat diktak in Pathian a ding in Thawlawm i pe ding ahi. Pathian chung ah lim leh kipak tak kawm ah piak ding ahi dan a gen ahi.

2. DAN BU BUNG IVNA (pek 21).

Sum leh Thilnei dangte (a) Thilpiak thu : line 3 na.

Kochuam mi zosia chu sawmakhat leh thilpiak pe chiat ding ah kineppi ahiu.

I Kochuam kikaihuaina bu Dan bu in a gen gual hin kochuam sung

“Keima sidar thing insung ah nawp takin ka cheng in, ka Lalpa thuthung chulah Puanbuk maimai in a um hen (1Chro. 17:1) ti'n a puaknat mama kha Kochuam ten ettawn dingin a pha mama'i.

(ii) Kochuam thil dang ah kisenna.

Biakin sakna bep genlo kochuam ah thilkhat bawl ding leh midang leh khawi lam lam ahem ah panpina hawl guat zing ziang chule dik zozai di'n ginchat a um puai. Athei laisia eima keng ah din ah khawsak guat ding ahi. Zia chu pitinna khat le ahi kit hi. Eima tha leh zung seng ngei ah thil bawl daw leh sepdaw i guat ding ahi. A chanchin i taklat uh Leng David khan le a thawn ah ama a senglo kei in a Pathian ho theina lemchang amu, ahinla zia chu a nuam pua'n, ama neisa mang ah a kithawi chu Pathian malsawmna channa ahi. Ziaziakchun, David bawl dan chu kochuam ten bangkim in ettawn di'n a pha mama hi.

GENKHAWM DI :-

Eima kisenna Pathian ho leh biak a thupi dan..

.....XX.....

DATE 16/SEPTEMBER/2016 (ZILTAWPNI)

Thupi : LENG SAUL LEH ANANIA TE NUPAN THILPIAK.

Bible : 1Sam. 15:20-23; Nas. 5:1-10.

1. PATHIAN KIANG AH LENG SAUL THILPIAK (1Sam. 15:20-23).

Leng Saul chu Israel te chung ah Leng ah ahung pan to lai in hunkhat chu Amalek te ava do in, ava zo ta ngei hi. Ahinla, Pathian in a leng ua la tha gam siksek ding ahi ati lai in aman a Leng pa'u Agag chu ahing ah a hun pui ban ah belam leh Bawng hawi deu deu te chu kithawina mat di'n ahun kai ta mai hi. Zia a thilbawl chu Pathian zakda lam tak ahi ziakin zawlnei Samuel in Saul chu a gai ah. A kiang a chun - Kithawina sang in thumatna a pawimaw zawi, a thu ngaisak chu belam chal thau tak piak sang ah le phazaw mama hi ati ahi. Pathian in a daw chu ahileh a thupiak gual ah ava um ding ahi.

Saul ngaidan ah chun Pathian kianga kithawina ding ahi phawt leh kua gancha hiziang leh le a kibang tho hi ati hi ngei ding ahi. Ahinla, Pathian ngai ah chun kithawina hing leh thiangtho hina ding leh Pathian pawm tak ahina ding in amau apat ngei ahi ding ahi. Saul chu zawlnei Samuel kiang ahungtun ah khan Samuel in Saul kiang in Belam ham git leh Bawng husa ka bil ah hung lut te hi bang ti dan a hem? ti in a pawm lo thu a gen ngal ahi. Ziaziakchun, Saul kithawina chu Pathian in a pawmlo bep hilo in a bawlkhi-alna zia ah chun a leng hina na tiang paithak in a um khawlaw ahi.

2. ANANIA LEH SAPHIRA TE NUPAN THILPIAK (Nas. 5:1-10).

Jesu thi nung ah sawlchakte hun lai ah chun Anania leh Saphira kiti te nupan pakhat chu a um ui. Amau chun gam a nei un, zia chu a zuak un aman kimkhat chu a imgu'u in a dang cheng chu sawlchak te kiangan ahung pelut ui.

Zia hunlai a hin gingu te haw chu a nei alam teu kikawp in a khawsak khawm uh ahin, Anania chun Peter kiang in a gam man chu ahung pe ta. Peter chu thagau ah dim ahi ziakin a gam man kimkhat a ipguk ahidan a hechian ngal in a kiang in - La gam man chu zia zat bep hi ahem..? ati leh Anania chun zuau a gen ah, zia zat bep ahin ka zawk ahi ati ahi. Zia phat chun Peter chu alung ana tan a kiang in - "Bang zia ah setan in la lungthim lua dim ahem? kei uh ei them la hi puan, Pathian them la hi zawi.." ati khum leh Anania chu a thi ngal ta ahi.

Hun chawmkhat zaw in a zi Saphira le ahung kit in a pawsal gen gual ah chun ahun gen kit leh Peter in hansia a law kit in a thi kit ta ahi. Pathian a thilpiak pe ngal ah a dang cheng a imgu'u ah zuau thei a gen uh chu a nupan ua a thinau tuntu ahi ta ahi.

3. SAUL LEH ANANIA TE NUPAN APAT ZIL DING.

(i) Saul thilpiak apat zil ding chu Pathian kianga thilpiak chu eima a hi ding leh kithawina ding vang vang chu eima a ahi ngei ding ahi dan ei zil til ahi.

(ii) Anania te nupan apat zil ding chu i sum mu te diktak ah thawlawn ah piak ding leh nupan a phalo lam ah kithugual lo ding ti thu te ahi. Diklo tak ah i piak chu mihing in eimu puan, ahinla ei malsawmtu chung Pathian in ei mu zing ahi ti hiatmil lo ding ahi.

GENKHAWM DI :-

Pathian in thilpiak dik leh thiangtho daw ahi dan.

.....XX.....